

四庫全書

子部

欽定四庫全書

萬姓統譜卷九十一

明 凌迪知 撰

去聲

一送

貢

廣平宮音端木賜子貢之後以王父字為氏

漢貢禹

瑯琊人以明經潔行著聞徵為博士歷涼州刺史去官元帝時徵為諫議大夫上書勸上節儉

遷御史

大夫

宋貢祖文

字仁德大名入靖康中授武德大夫都總軍將扈從南渡居宣城與岳武穆友善協志恢復

復及秦檜當國廢于家岳氏受禍祖文潛匿其肩于別墅

元貢奎

字仲章贈廣陵郡侯士濬之子廣陵力學有節宋亡遂不復仕嘗作義塾以待四方學者鄉人

甚尊敬之晚而生奎天性穎敏容儀端重十歲便能屬文長益博綜經史文章以父為師仕元

為齊山書院山長朝廷方議行郊祀禮諸老大臣以奎識鑒清遠論議詳明乃推授太常奉禮

郎兼檢討奎即討論上之朝廷多採其說再遷應奉翰林文字同知制誥兼國史院編修官纂

修成宗實錄授江西路學提舉教明理性之學諸生皆竦聽不懈累遷集賢直學士天歷二年

奉使還卒于家所著有雲林小藁聽雪齋記青山謾吟倦閑豫章藁上元新錄南州紀行凡

百二十卷

貢師道

字通甫奎之從子舉茂才累遷翰林應奉魚

國史院編修官時奉旨修宋遼金三史總裁

托克托欲以遼金為正統師道奮然論曰昔苻堅

已據中原而猶不忘東晉凡以成正統也本朝

得上承中國帝王之統而與唐虞三代漢唐齊

稱以承宋耳則正統在宋而不在遼金明矣衆

議奪于私不果從師道亦竟以此忤時出補

嘉興路總管府治中部使者交章薦之尋卒

貢師泰

字泰甫奎子初為宣城令泰定四年以國子

生釋褐授泰和州判官遷至翰林應奉預修

后妃功臣列傳遷宣文閣授經郎拜監察御史

累陞至江浙參知政事召為秘書卿至海寧而

卒就葬馬參知政事時移家住湖州之烏程三

碑鄉故今子孫為烏程人師泰性倜儻貌豐偉

以文學知名而政事尤為當

時之最 有詩文十卷藏于家

明
貢徵

直隸井陘人永樂中任德安縣丞賦性明敏剛毅有為未及三載創建儒學明倫堂尚德崇文

二齋及與梁橋其克知先務士論重之

貢性之

字友初泰甯從子初以胄子除簿尉有剛直名後補閩省理官元亡皇帝徵錄泰甯之後

大臣有以性之薦者性之改名悅避居會稽躬耕漁浦以自給老而無嗣邑人為麟嘗過之憐其羈困邀與俱歸性之辭以詩有云遊絲落絮都成恨社燕秋鴻各自飛杜宇叫殘孤館夢西風吹老故山薇每有所感則泣然泣下形而為詩勸之仕者即默不應卒門人私謚曰真晦先生所著有理官詩集行于世

貢珊

字廷甫宣城人由進士任知縣學宗孔孟政慕龔黃境內莫不尊親嘗勘事清河不避權要民

為立生祠以疾卒于官里巷悲泣如喪考妣邑民至今思之所著有易經發論及齋集行于世

貢安甫

字克仁弘治間

任長垣知縣陞南京浙

以言罷斥既後再起為山東按察司僉事居家靜守人多稱之雖家富不能染也

貢鏞

字元聲泰甫之後少從會稽劉師邵學好深沉之思雅性淳謹力勸南畝夜有盜入其家家人

執之鏞命勿燭盜曰為多負故耳乃更給布粟遣之謂家人曰若一識其人將使終身報顏矣

里有患疫者人莫不避鏞獨求藥往視之平生不至城邑嘗錄古隱士有迹無名者以自況所

著有西園遺訓二卷西園集二卷

貢璧

寧國人景泰舉人任僉事

貢武

寧國人天順舉人

貢欽

字元禮寧國人成化甲辰進士歷知府

萬歷甲戌進士貢靖國安慶人

仲

中山宮音高辛氏才子仲堪之後以王父字為氏又望出樂安中山

商

仲虺相

周

仲由

卞人孔門弟子有政事才聞過則喜勇于為義片言可以折獄仕衛死難後世追封衛公

仲山甫

宣王之臣山甫出使尹吉甫作詩美之

仲衍

大戊以下仲衍之後世有佐商之功

仲滴

行立孫在西戎保西垂

漢

仲光

漢初元中西羌入寇遣右扶風仲光等擊之

仲定

廷尉

仲景

少府監

晉

仲果

仕東晉為尚書

唐

仲子陵

我眉人以禮學推重于時舉賢良為常侍典黔中選補乘傳過家人以為榮及亡其家所

存惟圖書及酒數斛而已

宋仲簡

字畏之江都人舉進士累官侍御史遷知真州擢工部郎中奉使陝西多任情喜怒歷天章閣

待制知廣州儂智高之亂不能庇民賊退反以能城守徙知荆南既而言者論之落職終知洪州

仲并

字彌性江都人紹興壬子進士授平江教授改左承奉郎歷光祿寺丞仕終朝請大夫淮東安

撫司叅議官并幼好學強記每一展誦終身不忘其母嘗屏所觀書几上惟餘臺歷一冊明旦

默記吉曜凶煞纖悉不悞及長卓犖不羣潛心問學力排王氏一偏之說惟六藝孔孟是師筆勢翩翩俊聲藉甚所著有浮山集十六卷詩律上窺風雅四六序事雖閑肆而關鍵實密

仲統

紹興中以奉議郎知六合縣事

仲伯達

曹州人

仲揖

仲安常

郡守

仲大年

淳熙中知內江嘗謂政教如五穀種之必生食之必飽若專用刑罰豈善政哉故教教寬

平良至共服其忠厚焉

明

仲時舉

洪武元年知宜春縣開建縣治施政有方民咸安之

仲統

杭州人永樂進士

仲昌

字希文直隸沭陽人永樂甲申進士任太僕寺卿

仲廣

黃縣人正統中知睢州修葺學舍訓勵生徒值歲飢嘗勸富民出粟萬餘石以資賑濟尋以內

艱去州人奏留

詔奪情復任

仲本

字與立寶應人由順天府鄉試登第任刑部主事謫汝寧府通判歷廣西陝西僉事副使至按

察使以剛直被謫兩浙鹽運司同知

仲槩

字與成寶應人成化丁未進士歷參政

仲選

字思舜汴陽人正德辛巳進士歷知府

痛

周穆王痛盛姬早卒改其族曰痛氏

周痛無忌

宋人見急就章

明 山西榆次縣有痛姓

鳳 望出平陽邵陽

漢 鳳網神仙傳

明 鳳陽和融縣人宣德舉人

鳳儀庭印江人宣德中任東鄉縣知縣

貴州土官有鳳朝正德中為都督

重 儲用切又平聲俱姓

宋 重興幾知連城縣事

明

重謙

濱州人永樂乙丑
舉人鄱陽知縣

夢

宋

夢仲才

萬安人紹
定進士

元

夢仙

宿州人忠
翊校尉

甕

明

甕蕙

字季芳安肅人嘉靖丙辰進
士歷兵部郎中懷慶府知府

甕大梧

安肅人嘉靖中
任徽州府照磨

凍

見姓苑

元 凍阿珠 欽州監郡勤于政務興學校開屯

明 凍泰 睢州人正統間知利津縣廉明仁恕振
士風革吏弊百姓懷服至今稱為能吏

洞

南 洞林 字敬叔朔方人
北 洞林 同州督官從事

動 見姓苑

萬姓統譜卷九十一

欽定四庫全書

萬姓統譜卷九十二

明 凌迪知 撰

去聲

二宋

宋

京兆宮音周武王封殷後于宋其後以國為氏

周宋玉

楚人屈原弟子為楚大夫閔其師放逐乃作九辨述其志以悲之又作神女高唐二賦皆寓言

托興有所諷也

宋慳

見孟子

宋倫

洛陽人屬王甲辰歲凝神慕道事老聃授之上
道能飄然飛步凌波陟險宣王丁巳歲上昇為
仙

宋鉞

齊宣王時人莊子末章叙天下之治方術者多
矣宋鉞尹聞其風而說之作為華山之冠以自
表

漢
宋均

字叔庠安衆人好經書通詩禮累官九江太守
郡多虎暴均至皆東游渡江而去遷東海相徵
拜尚書令執義不撓出為河內太守政化大行
族弟京以大夏侯尚書教授官至遼東太守

宋意

字伯志均姪父京以大夏侯尚書教授至遼東
太守意傳父業舉孝廉以召對合旨擢拜河陽

相建初中徵為尚書司
隸校尉孫俱為司空

宋勝之

南陽安衆人年五歲失父母遂家于穀城聚中孝慕甚篤聚中人化之少長皆有禮勝之

嘗至長安受易通明以信義見稱從兄爽為東平內史遣使召之勝之曰衆人所樂者非勝之願也乃去遊太原從卽越牧羊以至琴書自娛孔光就太原辟之不至

宋義

知項梁必敗楚懷王以爲上將軍號卿子冠軍

宋昌

爲中尉時諸呂作亂漢大臣旣平之使人迎代王卽中令張武等議皆以爲不可信願稱疾無

往以觀其變宋昌進曰羣臣之議皆非也夫以呂太后之嚴立諸呂爲三王擅權專制然而太尉以一節入北軍一呼士袒左爲劉氏此乃天授非人力也後代王笑謂宋昌曰果如公言

宋果

字仲乙扶風人性輕悍喜與人報讐爲郿縣所疾林宗乃訓之義方懼以禍敗果感悔遂改節

自敕後以烈氣聞辟公府侍御史并州刺史所在能化

宋弘

字仲子長安人威容德器羣臣莫及光武時為大司空嘗止繁聲戒淫色尤以清行著聞封宣

平侯

宋忠

中大夫同賈誼訪司馬季主於卜肆

宋登

字叔陽長安人父由為太尉登少傳歐陽尚書敕授數千人為汝陰令政明如神入為尚書僕

射順帝時拜侍中數上封事抑退權臣出守潁川道不拾遺及卒汝陰以配社祠

宋漢

字仲和弘子以經行著名舉茂才四遷至西河太守清修潔白立名節以威信著稱

晉

宋纖

字令艾熒煌人少有逸操隱居酒泉南山弟子受業者三千餘人時太守馬岌具威儀造焉纖

拒不見爰銘詩于壁曰丹崖百丈青壁萬尋奇
木翁鬱蔚若鄧林其人如玉為國之琛室邇人

遜實勞我心卒年八十
謚曰玄虛先生

宋矩

穆帝永和二年自稱持節大都督假涼王闕使
奉章于後趙石季龍季龍又令麻秋進陷大夏

大夏護軍梁武執太守宋晏以城應秋秋遣晏
以書誘宋矩矩謂秋曰辭父事若當立功義功
義不立當守名節矩終不肯主偷
生于世于是先殺妻子自刎而死

宋景文

好客會賓於廣厦中外設重幕內列寶炬百
味具備歌舞俳優相繼觀者忘疲但覺更漏

差長席罷乃二
宿名曰不曉天

宋處宗

得一長鳴雞愛養窓間後作人語
與宗談論極妙由是文學大進

南宋

錄 徽煌人少以孝聞隨妹夫張彥至酒泉追師就學晝夜不倦博通經史事涼武昭王歷位通顯

家無餘財雖兵革間講誦不輟後入魏拜河西王相賜爵清河公

宋游道

錄曾孫事母以孝聞後魏時為殿中侍御史臺中語曰見惡能討宋游道孝莊即位除左

兵中軍後入北齊為尚書左丞

宋廣之

字處深錢塘人善清言初顧歡著三名論以正四本之失尚書劉澄臨川王常侍宋廣之

竝立論難與之往復而廣之才理尤精詣

宋隱

字處默先西河介休人曾祖夾晉昌黎太守後為慕容廆長父恭徙家廣平之列人隱性至孝

幼即有成人之志專精好學魏太祖拜尚書吏部郎尋以母喪歸列人復被徵固辭不就臨終

謂其子經曰苟能入順父兄出悌鄉黨以忠清奉之幸仕郡曹亦足矣不勞遠詣臺閣恐汝不能富貴徒延門戶之累耳世以為名言

宋宣

隱弟字道茂與范陽盧玄渤海高允博陵崔建從子悌俱被徵拜中書博士後拜侍郎行司徒

校尉卒封簡侯

宋瓊

字晉賢以孝稱母曾病季秋月思瓜瓊夢想求之求而遂獲時人異之

宋弁

字義和隱族子美風儀李冲嘗稱為王佐才仕魏為著作郎累官吏部尚書與咸陽王偉等六

人輔政卒謚貞順弟翻少有操行累官河南尹

宋世良

字元友弁從子父毓篤有志行世良仕魏累官清河太守才識闇明尤善政術及代傾城

祖道攀轅涕泣
終于東郡太守

宋世軌

仕魏為大理少卿執法寬平時蘇珍之為大理正明敏能斷寺中語曰決定嫌疑蘇珍之

視表見裏宋世軌時
人以為寺中二絕

宋翻

廣平列人人弁之族弟少有操尚世宗初起家奉朝請廣平王郎中令尋拜河陰令順陽公主

家僕為劫翻將兵圍主宅執主婿步驅向縣立
炎日中流汗露地縣舊有大柳時人號曰彌尾
青翻令置南墻下以待豪家未幾有內監詣縣
干請辭色不孫翻命請尾青鎮之於是威震京
師弟毓并世景叔集道與俱
有才而世景名尤著于海內

宋世景

廣平人翻之弟行三天性孝友絕人少與弟
道與等下帷誦讀博覽詳言舉秀才對策上

第拜國子助教遷司徒法曹行參軍世景明刑
理著律令剖判如流高祖嘉之左僕射源懷引
為行臺郎大相委重薦之於世宗曰宋世景文
武才略當今寡儔清平忠直亦少其比陛下宜
任之以機要世宗曰朕
亦聞之累遷尚書右丞

隋

宋景

西河人開皇十一年為南宮令志懷廉慎賢能
著稱百姓歌曰劉寵一錢揚震四知流風餘澤

今在
于茲

唐

宋務光

西河人舉進士調洛陽尉神龍初大水應詔
上書仕為右衛騎曹參軍累遷殿中侍御史

當官剛
正不阿

宋之問

字延清西河人偉儀觀善詞章武后時累官
尚方監丞嘗與張說等撰三教珠英與常維

稱一臺二鈔中宗朝為修文館學士弟之悌以驕勇聞之懸精草隸世號三絕

宋思禮

字過庭事繼母徐為至孝補蕭縣主簿會大旱井池涸母羸疾非泉水不適口思禮憂懼

且禱忽有泉出諸庭味甘寒日不乏汲縣人異之

宋璟

字廣平南和人耿介有大節風度凝遠武后時為鳳閣舍人每遇事直言不顧身之利害玄宗

時拜相務清政刑善守文以持天下之正中興賢相璟為首稱

宋慶禮

永年人擢明經承詔與邵宏等築營州都督府故柳城三旬畢事授營州都督開屯田八

十餘所追拔漁陽淄青沒戶復舊田宅不數年居人蕃集倉庫充盈卒贈工部尚書謚曰敬

宋綽

高安人為長沙掾四世同居以孝行聞咸通中觀察使裴休上其行義詔旌表其門賜束帛

宋迪

貞元中陳
誦同時人

宋嗣宗

南和人天祐四年令奉化利澤深厚民
甚德之值唐祚移遂家邑之斗門橋

宋濟

國史補云德宗時不
第後禮部上甲乙名

宋申錫

字慶臣擢進士第長慶寶應間風俗囂薄申
錫少孤直少與及進用議者謂可以激浮競

五代

宋齊丘

萬載人好學善屬文仕南唐拜相乞歸九
華山賜號九華先生著化書理訓各十卷

宋

宋偓

洛陽人五代周時年十一以父死事補內殿直
遷供奉官累官至鄧州節度使宋初從太祖征

伐有功加同平
章事知霸州

宋琪

字叔寶幽州人舉進士初仕漢周皆為幕官太
祖時為左補闕累遷同平章事進右僕射卒謚

惠安瑛有文學尤通吏術為相日有求請者多面折之

宋雄

幽州人累官光祿少卿在官職務修舉公私倚任且涉獵經史負氣節與同郡宋瑛齊名燕薊

間時號

二宋云

宋準

字子平雍丘人開寶中舉進士第一除校書郎直史館太平興國中知制誥準美風儀善談論

文辭清雅為當時所重

宋解

長安人父溫舒舉進士官至職方員外郎溫舒三子沆解濤沆舉進士歷左正言京西轉運使

解有清節居長安不仕與种放魏野遊多篇什酬唱濤端平初進士知襄城縣以政績聞累遷

監察御史

知號州

宋程

字公範晉江人苦學有文行大中祥符二年進士第二宰相愛重其才以為國器程以正直忤

權貴終著作

郎台州通判

宋白

字太素大名人少善屬文乾德初獻文百篇試高等授著作佐郎以親老祈外任知蒲城渭南

二縣太宗擢為左拾遺權出知兗州歲餘召還泰山劉繼元降翌日廣平晉頌太宗召白至行

宮褒慰已而改為翰林學士雍熙中召白與李昉等纂文苑英華一千卷

宋泌

長安人大平興國進士至起居郎直史館

宋湜

字持正長安人父溫故石晉進士官至左補闕湜風貌秀整器識冲遠好學美文詞舉進士通

判梓州累遷翰林學士樞密副使所撰有文集二十卷兄泌亦舉進士官至起居郎直史館越

王府記
室叅軍

宋綬

字公垂平棘人父臯尚書度支員外郎綬恪謹清介博通經史真宗時賜進士後累官資政殿

學士叅知政事朝廷大議論多所裁決綬善屬文筆札尤極精妙卒謚宣獻所撰有鹵簿圖十卷

宋垂範

眉山人景德間進士知潭州有惠政後挂冠歸趙抃詩以贈之云休官鎮浮俗着山冠同

年恬養八十歲
苦吟三百篇

宋搏

字鵬舉萊州掖人治毛詩開寶間歷濰州司理叅軍鞠礪薦其能遷右贊善大夫真宗時為河

東轉運使上言大通監冶鐵盈積可供諸州軍數十年鼓鑄願權罷採以紓民又請科諸州丁

壯為兵以增戎備在任十二年督制漕運以幹
治稱徙他州郡輒乞留兩至夏州界部發居民
數詣闕奏事稱旨屢以秩滿請
代朝議以轉善職加祠部郎中

宋庠

字公序雍丘人天聖初舉進士第一累官翰林
學士參知政事與呂夷簡不合出知揚州皇祐
中拜中書平章數言國家當慎固根本封鄭國
公卒贈太尉謚元獻為人儉約好學不倦所著
有校定國語補音
通譜叢志諸書

宋祁

字子京庠弟與兄同時舉進士歷官太常博士
詔定新樂權度支判官上言三冗三費進翰林
學士禮部侍郎上禦戎七論累加龍圖閣學士
知鄭州與歐陽修同修唐書書成遷左丞進工
部尚書學士承
旨卒謚景文

宋景陽

土人寧遠節度使都總管控制邊方苗夷歸服卒贈太尉謚忠成孫裕為寧遠經畧安撫

使恩威並著
夷民歸心

宋士堯

馬平人皇祐中儂智高寇廣南士堯闕邕州極力與戰已而敗北賊斷其闕不仆至

猶犇馬而還後
贈屯衛大將軍

宋宜

天聖中與陳僊藍承趙誠於泉州朱明院讀書後皆登科同時為列卿故郡有四卿堂

宋彥

建昌人仙都觀十賢堂李觀陳彭年曾子固子開子宣王無咎呂南公宋京鄧伯溫宋彥也皆

郡之
先達

宋之才

字廷佐瑞安人學於楊時遂祖程氏學舉進士教授京兆府每言士負卓犖奇材皆可入聖賢

之域忌連售爾故深務韜養積十八年不易初官
執政薦召試除正字丁母憂服除入為校書郎遷
考功郎論南北雖已通和願勿忘警戒舉廢陞拔
滯淹寬民賦總兵權益固基圖為進取計遷司業
權禮部侍郎乞去之才性恬靜寡慾操履潔白
難進易退雖歷仕五十年而屏處之日居多

宋克國

庠子性剛介刻意問學以鄉書試禮部既自謂
宰相子輒罷舉仁宗召試賜進士累官至太常

禮院克國孝于奉親平居得微物必先薦家廟乃
敢嘗子喬年官至龍圖閣學士知陳州孫昇顯謨
閣學士知
應天府

宋咸

字貫之建陽人天聖二年進士累官知邵武軍立
學置田以養士移守韶州奏諸悍卒境肅然狄青
經制廣西移咸為漕以功轉職方員外郎奏乞於
瓊管立學賜經史以變夷風官至都官郎中所著

有易訓毛詩正紀外義論語增註揚子法言註朝制要覽諸書五世孫翔字志騰登第湖南帥參

宋守之

慶厯間知瓊州教諸生讀五經於先聖廟建尊儒亭暇日躬自講授由是州人始知向學

宋敦書

知潮州一日溪流洶湧堤決而西乃築堤八十餘里免其患

宋太元

字一翁高安人景祐進士以大理評事為開封府戶曹司馬溫公薦為衛尉寺丞再薦知如皋縣陞鄆州掌書記太守富弼深器之後守潯州弼薦為尚書都官員外郎改漕湖北太元為人正而

文居官有成績其受知於二公者以此

宋敏求

字次道咸寧人賜進士及第為館閣校勘預蘇舜卿進奏院王堯臣修唐書以敏求習唐事奏

為編修歷知制誥判太常寺

宋守約

酸棗人累官步軍副都指揮使威武軍留後卒謚勳毅神宗初為簡練法守約率先推行

子球累官樞密副都承旨嘗使契丹告哀至則使易吉服球曰通和歲久憂患定同大國安則

為之契丹不能奪

宋直方

字順中晉江人熙寧中第進士知鞏縣鞏有橋水歲敗之直方令父老疏橋柱以殺水怒

益伐石為隄役成一邑以為利使者以率斂効直方移知王屋縣性簡素雅好山水之勝至王屋即謂家人曰吾某日當為物外之遊至期盥洗正坐而歿

宋昌言

安州人字仲謨綬弟以蔭為澤州司理叅軍州有殺人獄昌言疑其冤堅請迹捕果得真

犯者稍遷河陰發運判官自濟源之官見道上棄尸若剛剝者竊歎郡縣不治既至河陰得凶

盜六輩殺人以衛執縛未殺者七人縣吏與市井少年共為胥篋昌言窮治其淵藪皆法外行

之擢都水監丞少府監卒

宋旅

字庭實莆田人大觀初進士累官奉議郎知剡縣盜方臘犯越旅獨與民據守以忠義激勸部勒隊伍為備預計俄而盜衆大至躬率壯銳冒矢石雖頗殺獲力終不敵遂死之後贈朝散郎

錄其四子

宋昭年

宣和間知秀州盜發嚴州昭年謂吾州次當受敵于是大脩城隍明年賊果抵城下昭年

與民乘城自固賊留三日無敢薄城者後五日賊大潰朝廷嘉其功進職以寵異之

宋懋宗

寄黃知命夔州五十詩知命答云五十清詩是碎金試教擲地有餘音方今臺閣稱多士

且傷江山
好處吟

宋自遜

字謙父南昌人號壺山詞筆絕高嘗作暮山溪自述云壺山居士未老心先懶愛學道人

家辦竹几蒲團茗椀青山可買小結屋三間開一徑俯清溪修竹栽教滿客來便請隨分家常飯若肯再留連更薄酒三杯二盞吟詩度曲風月任招呼外事不相關自有天公管著詞集名

漁樵
笛譜

宋無

字子虛嘗習舉子業國亡不仕專攻為詩比對精切造詣新奇有隱居之趣有翠寒集

宋槩

字子成莆田人政和乙未進士紹興中為金部郎中扈從幸建康請詔中外臣僚採訪勇力權

略之士以備採擇從之因留總領大軍展轉外藩凡二十年召為太府少卿徙太常擢權禮部

侍郎兼侍講除敷文閣待制奉祠集和易寬通
臨事此然不可回奪卒贈宣奉大夫子煜淳熙

中歷知循賓惠三州皆有惠政終直徽猷閣

宋藻

字去華棗從子紹興中以布衣上十君論召對
補官尋擢第既而憂敵渝盟上時議二十篇及

敵殺渠魁而遁朝命藻招討追襲之藻恐時利
深入為敵所掩詣行闕奏陳即日議班師擢知
江陰軍乾道初召對乞令戍帥各以其兵分屯
淮郡以寬東南民力除浙東提舉勞績上聞復
應召對凡四敷陳移時孝宗褒其勁直坐劾溫
州守臣忤當路奉祠歸講學里社著羣經滯穗

百篇

宋鈞

字茂洪藻之孫紹熙中登第通判饒州會稽幣
更抗章極言展收換之期寢編籍之科坐忤宰

相貶官後
擢知嚴州

宋翔

字子飛，崇安人。幼穎敏，七歲時劉子翬命賦，燈詩援筆立成大為所稱。賞紹興中第進士，累官

國子監簿，受知張浚為浚十客之一。章太后既歸慈寧宮，祥瑞交至，獻紹興樂府十二章，尋差

湖南帥司叅議官以朝散大夫致仕，有梅谷集。

宋耕

號雪溪先生，世家雙流。遷崇慶，紹興中為閬中令，以仙去。其後孫德之聞其在四明，親往訪焉。

至雪竇山，有蜀僧言諸耆老云：「山後有爛平山，有二居士焉，其一宗宣教也，德之躋攀至爛平果見丹竈而仙蹤不可復尋矣，乃置祠其上而歸。」

宋松年

字德操，登紹興進士第。松年耽嗜史學，於唐尤力為嚴陵戶曹扶滿調信州錄參郎官所

結閣網羅百氏闢於唐者萃焉公退校讐寒暑不倦名其閣曰紬書證疑刊誤增遺約衍尹賢良有紬書記其事書成將進于上而卒

宋昌祚

和州鈐轄權領州事建炎中金烏珠犯和州昌祚率衆堅守城陷與權倖唐璟歷陽令蹇

譽司戶徐執縣尉邵元通皆元熱樓上

宋輝

紹興初以朝議大夫直龍圖閣發運副使除秘閣修撰知臨安府三衙奏定臨安府左右廂巡

為百有十五鋪用卒六百七十三人三衙及本府兵各居其半奏言本府酒稅課利乞依揚州例推免分撥諸司應副本府支使候移蹕日如舊從之明年除宮祠

宋之珍

字國寶永嘉人登紹興第歷吉州司理常熟丞至上書言事削官入元符黨籍大觀四年

除籍終文林郎會稽縣尉周行已稱之曰從仕
介庶所操執挺不可移子敦朴登建炎第八臺
為御史奏乞州縣帶勸農人街自敦朴始孫慎
從子敦書從孫傳德倚任從曾孫折拱慶之明
年俱登科

宋慶之

字元積永嘉人祖傳字巖老有鑒裁節操清
苦為乾淳諸老所敬畏登紹興第沿海制叅

水心葉適銘其墓慶之學廣聞多文辭典瞻有
數百篇清新閒遠得風雅之趣登咸淳第監慶
元府鹽倉辟浙東庾幕公車交薦
未引見而卒有引水文集十四卷

宋汝為

字師高豐縣人建炎中陳邊事假開州刺史
使金兼致書劉豫豫誘以官固辭以機密歸

報朝廷後亡歸獻恢復方畧又上丞相書極言
用兵之要秦檜欲械送金人乃變姓名入蜀所

著有忠

嘉集

宋炎

陝縣人。踰張命中補秉義郎。金人圍城射死數百人。比再圍，炎以勁弩數百發，毒矢殺千餘人。

城陷，金人聲言求善射者，責之，炎不應，力戰死。

宋璫

字寶臣，渭南人。乾德中進士，及第知綿州。太宗起拜右諫議大夫，性清約，歷官三十年，未嘗問

家事

宋煜

字伯華，莆田人。淳熙間知循州，嶺南諸郡黌舍率敝陋，煜至即撤而新之。循人士始自力于學。

州境舊多曠土，煜令民耕種，奏蠲其租。六年，遂成沃壤。初，民以茅覆屋，恒多火。灾煜乃量戶高下，貸以官錢，又輟城兵之匠者，陶者，相其役，民用安居，以時還所貸，無一人敢負者。先是守將

閩城多具文煜按視必親臨以為常陳尚盜發倉卒徵劄即兵獨煜所遣皆素練督將倚賴之迄以殄賊尋改知惠州惠有蘇范二姓故武斷為奸利州縣莫能制煜卒窮致其罪豪猾喘息有富民抵辜援舊比請輸錢以贖煜曰是豈所以瘴惡示懲耶竟論如律又減重額刷逋戶刻

虛籍以蘇積困惠人德之

宋明遠

瑞長子淳祐進士歷官員外郎弟柔遠舉進士及第

宋慈

字惠父建陽人歷湖襄提刑以朝請大夫直煥章閣帥廣東慈居官所在有聲嘗作洗冤錄及

卒理宗以其為中外分憂之臣有密贊聞畫之計贈朝議大夫御書墓門旌之

宋德之

字正仲蜀州人慶元初擢外省第一累官武學博士與諸生論八陣之象本乎八卦奇正

之變往來相生而不窮出知閬州又自湖北提刑召為兵部郎官朝論疑安丙德之言蜀無安

丙朝廷無蜀矣後知眉州

宋太初

晉城人舉進士為大理評事通判戎州以善政聞累官御史中丞四路都轉運使嘗著簡譚三十八篇子傳慶為太 tử 中舍咸平初太初知江陵府蠻寇擾動太初以便宜制遏詔獎之

降詔褒美

宋勝

新添人父永高嘉泰初克服麥新等處以勝守其地嘉定中授勝右武大夫沿邊溪峒經畧使

勝卒其子襲爵

宋聞禮

字叔履龍溪人補入太學嘉泰壬戌避親別試亞選授叙化二州教授改承奉郎轉奉議

郎知潮州海陽縣有
易禮記詩解行于世

宋南強

字子居山東人寓紹興淳祐間知沙縣治專德化不事刑罰勸農桑興學校繕脩橋梁道

路幾一考解職去民為立
甘棠路碑以表去思之意

宋秉孫

字彞父建陽人篤志勵行博學能文登嘉定中進士官至朝奉大夫尚書省主管架閣文

字入元不仕以
吟咏自娛卒

宋溫

字眉山人光化縣令與金兵相持多戰功尋詔知光化軍公正剛介以義理誨導其民遠邇

悅服

宋訓

字晦叔渠曾孫以蔭補官知程鄉歸善二縣專意撫字安靜無擾端平初通判廣州屬摧鋒軍

士作亂帥臣曾治鳳棄城遁詗戮力守城且以聞于朝得旨崔與之領帥事詗佐與之登城開

門延敵賊奔循州與之薦詗知州事

宋應龍

儒生通兵出入行陳三十餘年為諮議官寓秦州幼主德祐二年六月甲寅大兵至秦州

裨校孫貴胡惟孝尹端甫李遇春開門迎降應龍與其妻獨縊于園中

金宋道

潞州人祖元吉仕為兵部員外郎道善記誦能文避地襄陽後北歸居河內元初趙璧經畧河

南聞其名禮聘之其後大兵守襄陽璧行元帥府事道皆從焉軍中多所咨訪

宋九嘉

夏津人為入剛直豪邁少游太學有能賦聲長從李純甫讀書為文有奇氣至寧初進士

歷藍田高陵扶風三水四縣令咸以能稱入為翰林應奉正大夫以疾去沒於癸巳之難

元
宋祐

樊城人六歲喪父天性至孝及成人痛父不存事母能養友愛二弟勤于治生漸至饒裕母病輒告天割股以進獲愈洎沒水漿不入口者累日寢苦枕塊餒溺十有五年子釗亦孝鄉黨稱之

宋子貞

長子人工詞賦與族兄知柔同補太學生俱有名金末歸東平嚴實世祖南伐召問方略拜翰林學士累遷中書平章事子渤官至集賢院學士

宋本

大都人少肆力于學至治初進士第一累官集賢院學士兼國子祭酒嘗指言朝廷政事之失詔悉罷之所著有至治集弟聚泰定初進士累官翰林直學士其文學與本齊名所著有燕石集

明
宋濂

字景濂金華浦江人元進士以文章名海內至正十七年大臣薦為國史編修固辭入龍門山

著書我高皇帝定鼎金陵遣使聘至建禮賢館以居之上問取天下大計濂以不殺對上甚喜俾授太子經每詢以治道濂必以仁義為言是時羣雄多嗜殺好貨獨上御軍有法命將征討戒以勿殺所至民懽樂之及海內平定上方稽古以新一代之耳目正彝倫復衣冠制禮樂立學校凡先王之典多講行之而濂實預其事初為江南等處儒學提舉尋為翰林學士為國子司業晚為承旨先後二十餘年以道德輔佐聖祖天下歸心愛戴濂之功居多濂子建為中書舍人孫慎為儀禮司序班建因事連坐有司請罪濂上念濂舊乃安置于茂州卒于夔州後皇太孫嗣位召其孫懌復官翰林濂所著述甚富

宋亮

字均禮魚臺人初名克剛字毅夫嘗讀諸葛武侯傳慕其為人遂更名亮魁梧英發涉獵經史

每以古人自期洪武八年有司辟為本縣儒學訓導承元之餘俗以古道督化數年之間風俗丕變未幾復應經明行修之科授福建右叅政撫綏有聲民懷其德闕咎罷歸優游耕釣鄉人薰而善良者比比焉

宋訥

字仲敏闕縣人父闕卿元闕博學強記登至正進士授鹽山闕洪武

初為國子助教陞翰林院學士闕廟碑稱旨改文淵閣大學士尋轉國子祭酒嚴立學規

諸生畏敬終于官命官闕驛歸其柩有司治葬事官其子復祖為司闕

宋克

字仲溫長洲人洪武初為鳳翔府同知為人機警有口辯博學工詩尤善真草書後人多取法

焉

宋賓

洛陽人性剛直遇事果決洪武間為太學生才能為衆所推授清紀郎遷真定知府為政有方

吏民信服扶滿陞陝西右布政使

宋禮

字大本永寧人性剛果遜志篤學為時輩所重洪武間由太學生授山西按察司僉事永樂中

累官工部尚書初營建北京命取材川蜀伐山通道深入險阻還朝特被嘉賞

宋文

祥符人性資醇厚學行兼備洪武中河南叅政鄭居貞以隱士薦送京師授山西按察司副使

在任廉能著稱風紀肅然

宋伯義

西華人剛介有守言辭辨正洪武中以才行俱優由太學選擢山東布政司右叅政克著

勤能永樂初轉任陝西布政司清譽益彰

宋珏

唐縣人洪武中舉人先知祁縣事廉慎有為以才行超卓遷監察御史執法不附不避豪勢擢

知南雄府以母憂去未幾奪情起為金華知府有時名

宋懌

字子夷金華人文憲公孫懌父璠中書舍人懌思紹父學奉母孝蜀獻王聞之時賜粟帛賙其

家專心力學書益工建文君即位念濂為興宗舊學之臣召懌入翰林為侍書與劉彥銘朱思平皆知名建文時而濂門人有聲稱者同郡樓璉浦陽鄭楷皆見擢用

宋杞

字授之錢塘人前元鄉貢進士遂於經史能詩畫學馬夏竦處咄咄逼真

宋性

德州人洪武中由國子生為刑部主事署本部右侍郎後黜為湖廣按察副使調陝西永樂初

陞四川布政司右叅政進北京刑部右侍郎所至以廉能稱比卒人多惜之

宋晟

字景暘定遠人永樂中以從軍功累陞右都督進封西寧侯子琥瑛俱為駙馬都尉襲侯爵瑛

于正統中率兵征敵寇沒于陣追封鄂國公諡忠順

宋明

字惟遠潯縣人初授戶部主事督臨清倉儲中官監儲者頗恣橫公至一裁以法宿弊頓革陞

員外郎時有中貴奏乞庄田于保定濫及容城諸縣上命明往按之庶得其情抗疏以聞版籍賴以不墜容城人至今稱之已而陞雨浙轉運使杜絕私謁不畏強禦鹽法用振僚友有暮夜懷金進者公正色斥之曰楊震四知謂何而乃以是加我耶浙人因呼之曰鐵宋今有鐵宋卷

藏于家官
至叅政

宋琰

字廷圭奉化人永樂乙未進士選庶吉士侍皇太子監國南京十九年召修大典書成授中書

舍人宣德初元遷禮部主事以親老乞歸省未
逾月驛召還京正統初元選入史館修宣宗實

錄二年以父喪去服闋轉吏部考功主事入直
內府九年遷河南右叅政時汝陽旱蝗琰往治

之籲天自咎蝗弭而歲轉豐稔民為之謠曰宋
大叅施德政治豪強知利病捕蝗蟲動天聽降

甘霖保民命七府安萬民定景泰四年轉太僕
寺卿尋陞兵部侍郎琰性溫雅居家以孝友聞

歷仕四十餘年所至輒擅著能聲恒
以文自娛有拙菴學集藏于家

宋瑄

鄆國忠順公晟子建文中為府軍右衛指揮使
數從諸將禦靖難兵有功靈璧之戰披甲躍馬

先登斬首數級已而諸營兵敗瑄猶格開力屈
死之靖難後晟功名大著封西寧侯卒永樂六
年兵部上侯諸子孫名乞嗣封瑄子本晟長孫
宜嗣上惡瑄令瑄弟琥嗣侯琥尚安成公主琥
弟瑛尚咸寧公主琥罪
廢瑛嗣侯没于土木

宋獻

永樂初知寧國府廉謹有設施門無私謁
始終如一後陞廣東叅政民到今頌之

宋子環

吉水人永樂甲申進士選為庶吉士預修永
樂大典官至王府長史為人寬厚夷坦孝悌

出于天性自守有素居兩京三十餘年足
跡未嘗涉權貴所述有詞林蒙梁園藁

宋徵

不知何許人建文中為宗人府經歷上
疏請削罪廢宗藩推靖難後不屈死

宋忠

錦衣指揮使智勇有名建文時率兵三萬保懷
來倉卒列陣未成文皇一麾渡河戰敗被執死

之

宋儒

字文卿望江人儒初為弟子員治尚書及長仕為錦衣衛千戶典告密錦衣在國朝為禁侍可

立取富貴儒獨弗欲於利弗撓於勢惟陰陽是求凡死獄必求其生不得其生乃已獄囚故無藉臥輒僵死儒奏以牧象草藉之囚繫者缺食儒奏以無主盜賊食之咸為例山東盜敗露既服其辜儒奏原其父母妻子暮夜有餽金輒却之於時錦衣言官之薦與惠者獨稱文卿云歲甲子鄭弗戒於火火熾宋氏樓獨歸然無恙

宋欽

蒼梧人正統中擢湖廣叅議值麓川亂命尚書王驥征之欽督運糧餉不避艱險於辰沅闕

鎮遠山行乘騎又乘小舸艚船往安江闕賊要害至盧溪被賊遮畱欽率兵挽弓揚矢迎

敵厲聲數其罪詞
氣壯烈賊不敢逼

宋是

字弘澤淳安人景泰
辛未進士歷都御史

宋有文

字顯章資縣人景泰
辛未進士歷都御史

宋應奎

字爾章吉水人成化
丙戌進士任編修

宋端儀

字孔時莆田人成化進士博學考古雅志理
道累官廣東提學僉事躬行列郡較行課藝

雖瘴鄉海島無所不至教人務欲以身表率而
痛抑其浮誕奇險之習士知向方皆稱賢師以

染瘴卒
于官

宋以方

字義卿靖州人弘治進士授主事歷瑞州知
府宸濠之變不屈遇害贈光祿卿敕祠曰忠

嘉

宋愷

字舜臣華亭人弘治癸丑進士歷參政

宋寬

字孔瞻餘姚人弘治己未進士歷侍郎

宋景

字以賢奉新人弘治乙丑進士歷南京吏部尚書謚莊靖

宋滄

字伯儀鉅野人正德戊辰進士歷都御史

宋璜

咸縣人庠生正德六年流賊倡亂城陷賊入璜家因儒初無害意有邑人焉姓者竊賊銀賊怒

甚縛璜父昇欲害璜哀告願替父死且給之曰吾知銀處賊隨之覓不得竟遇害父因得免璜妻李氏方年二十三歲伏尸號慟曰爾能替父死妾獨不能替夫死耶請拜受戮以從衆賊噴

噴稱歎曰孝子烈婦萃于一門與命箭一杆而去李氏不飲食者三日自縊者屢其母與姑解曰汝有九五歲病亟之嬰汝在撫育猶或可生汝死決無生理丈夫民滅死亦何益旣而覺悟撫嬰成立後為庠生守節二十餘年而亡清苦始終一致

宋玉

字廷珍高陵人自幼好書不廢道路人號宋五經舉正德三年經魁任訓導終藩府教授歸鄉學者從遊者甚衆

宋圭

字元錫新城人嘉靖癸未進士歷太僕寺卿

宋惟元

字以貞餘姚人嘉靖戊戌進士任主事

宋淳

字德完開化人嘉靖乙未進士歷都御史

宋國華

字崇樂奉新人嘉靖甲辰進士歷布政

宋大武

字文成餘姚人嘉靖辛丑進士歷參政弟大

科進士
歷參政

用

古有用國

漢

用虬
高唐令

用羽

名士

明

嘉靖中山西遼州吏目用夏貢士陝州人

縱

明 縱文 蕭縣人正統中貢士任日照縣訓導

統見姓苑

萬姓統譜卷九十二

欽定四庫全書

萬姓統譜卷九十三

明凌迪知撰

去聲

三絳

巷

周寺人有巷伯其後以為氏

絳

晉穆公遷都于絳後以為氏

四寘

冀

渤海角音晉大夫卻芮食采于冀其後以為氏

周

冀芮

晉大夫

冀缺

北 冀雋

太原人性沉謹善隸書以功累遷昌樂郡守湖州刺史每以清約恬靜自處前後所歷俱有聲

唐

冀重

著冀子五卷

後進爵昌樂侯

宋

冀應登

井州人登科

遼

冀禹錫

龍山人至寧初進士仕歷州郡有能聲歸德受兵禹錫為行院都事經畫守禦一府倚重

聞變或勸以微服免不從遇害

明

冀凱

鹿邑人以文才貢入太學授廣西祿州判官在任廉幹有為正直不撓舉陞兵科給事中尋陞

工部左侍郎
清譽益振

冀綺

字文華寶應人成化己丑進士授戶部主事歷官應天府尹綺性質直有治才為郎中時總理

邊儲陳邊務及時政二十餘事尹京兆宿弊盡革嘗奏減邑中馬五百餘疋人至今德之

冀九齡

益都人弘治舉人知華陽縣守己愛民

冀元亨

字惟乾武陵人正德丙子鄉薦幼有志操每以古人自期待對妻子如賓率族人以正為

學務探本源不為口耳之習嘗從王守仁遊甚加器重守仁擒逆濠為人中傷嫁禍於亨詔繫

獄守仁力鳴其冤會肅皇帝登極詔釋之先五日遘疾卒于獄嘉靖乙丑常武建陽明書院以

元亨
配享

冀傑

東安人起卒伍仕至都督僉事卒贈清源伯謚忠壯妻王氏自殉贈淑人

冀鍊

字純夫益都人嘉靖甲辰進士歷官兵部侍郎

冀蓋臣

榆次人嘉靖舉人

冀國

河內人嘉靖間戶部郎中陞雲南大理知府

季

渤海徵音陸終氏之子季連之後一云魯桓公第四子季友之後又理出壽春魯國

周

季斯

號桓子魯臣

季梁

隨人春秋時仕隨為大夫楚侵隨少師董成請追楚師隨侯將許之季梁止之曰夫民神之主

也聖王先成民而後致力於神故務其三時修其五教親其九族以致其禮祀于是乎民和而神降之福今民各有心而鬼神乏主君雖獨豐其何福之有君姑修政而親兄弟之國庶免于難隨戾懼而修政楚不敢伐

季羔

闕

季任

嘗為君居守以幣交於孟子

季冶

魯襄公在楚季武子取卞使季冶逆追而予之璽書以告曰卞人將畔臣討之既得之矣公未

言榮成子曰子服肱魯國社稷之事子實制之唯子所利何必卞有罪而子征之子之隸也又何謁焉子冶歸致祿而不出曰使予欺君謂予能也能而欺其君敢享其祿而立其朝乎

季文子

卒無衣帛之妾無食粟之馬無藏金玉無重器君子于是知文子之忠于公家也相三君

而家無私積

漢

季布

楚人為任俠有名為河東守孝文帝時人有言其賢者召欲以為御史大夫復有言其使酒難近至留邸一月見罷布進曰陛下以一人之舉而召臣以一人之毀而去臣臣恐天下聞之有以

窺陛下上曰河東吾股肱郡故召君耳

季心

功臣表封威國侯布弟氣蓋關中以勇聞

南
北
季產

字子喬仕燕為尚書

季績

產子少有風節為中庶子

唐季無為

與鄭仁傑隱居太白山

季廙

上元中刺史寶應元年改刺虔州

季錞

字希聲江西詩派中人

五代季芮

周昭義節度使

宋季仁壽

其先處州龍泉人用薦起教諭慈溪為徵逋租新禮殿建教諭廳事部使者行縣嚴急他

教官獲罪者相望

唯壽命往黃巖鑄祭器之未

完者設闕以待後進鼓舞激厲惟恐有懈

季連昌

字子明以麟郎懿屬補登仕郎授迪功郎調通州支撥倉蕪沿江制司物斛官淮東制司物

斛官所至以廉勤稱宋李海隅經韃靼殘毀惟
鯨官僅庇司存井邑荒寂無行跡君至獎端如
絲悉與刻解暨扶滿為羸十五萬餘斤平章魏
了翁時制淮閭議復通城以軍券為慮移檄委

君羅百萬縉君不辭難旬月事
集魏公嘉其能舉以練達科

李陵

字延仲龍泉人政和初以工舍三遷太學博士
論學術邪正異同被譖謫知舒城縣建炎初從
至揚州為太常少卿金人來侵高宗幸杭州陵
負九廟神主以行遷中書舍人多所建明歷知
温州臨安府官至右文
殿修撰有文集十卷

季可

監察御史

季鏞

字伯韶括蒼人淳祐十二年知睦州時歲饑鏞
既至虛已問俗首蠲私茶十六力請于朝寬京

府推糴之令發廩分賑
項之四明羣民樂安生

季知元

龍泉人崇慶癸未以累舉出官除撫州法曹
轉知江陰寬簡樂易不苛不擾被召主國子

簿宣和二年以
朝散郎致仕

季南壽

紹興中貢院言博學宏詞科有武進尉
周麟之婺州教李南壽合詔並與堂除

明

季仲蘭

浦城人洪武中為嚴州知府勤于
政事惠愛及民一郡翕然從化

李應祈

瑞安人少穎悟受春秋于高則誠既而得關
閩諸儒全書讀之於天道性命之微古今事

物之理與夫百家子史靡不極其津涯尤樂於
誨誘常曰窮經以致其用反躬以踐其實不如
是讀書奚益洪武十九年有以明經
薦遂引年告老于朝以歸八十三卒

季汶

字彥父處州人同宋濂等入見以老乞歸不仕

季篴

字仲怡常熟人永樂中以經明行修薦授崑山訓導有文學勤於纂述所著有友梅集

季鐔

福建人永樂進士

季方

字子坤貫振武衛籍高郵人中山西鄉試初翰林院庶吉士授編修出為河南左叅議轉叅政

卒

季駿

字文華會稽人正統乙丑進士歷僉事

季源

字本清進賢人成化辛丑進士歷太常少卿

季琮

會稽人成化進士

季恒

六合人成化中知安鄉縣民不習縷織恒教藝桑綿月課其功民刊始興儲積救荒市地廣學

復范文正祭田善政皆可傳述後調巴陵竟棄官去

季厚禮

無為人晨昏奉親下氣怡色父母終俱廬墓三年不食鹽味其子立居厚禮喪亦不食肉

廬墓三年母沒又廬墓三年孫廷春於宣德間母喪結廬墓側茹蔬飲粥不食鹽醬三年猶一

日人謂其一門純孝云

季春

字體仁鎮武人弘治丙辰進士歷尚寶卿

季本

字明德會稽人正德丁丑進士歷知府

季德甫

字仲修太倉人嘉靖甲辰進士歷按察使

李永康

滄州人嘉靖癸丑進士歷戶部郎中

嘉靖癸丑進士季科江陰人歷參政

智

望出天水姬姓即荀氏別食智邑又為智氏又望出河東陳留

周

智季

諡莊子即荀首也莊子子知瑩諡武子武子子知孟諡悼子世為晉上卿悼子子知躒諡文子

為下軍佐文子子知瑤諡襄子是為知伯韓趙魏滅之三分其地

智瑩

林父之從孫父荀首景公時佐中軍食于智後因號智氏邲之戰智瑩沒于楚首求于楚而歸

之迎立悼公修政施德晉以

復霸代韓厥執政卒諡曰武

漢

智嗣

零陵太守

宋

智決

高宗朝人好直言岳飛賓客待之飛下吏決上書訟其冤秦檜怒併送獄

元

智受益

南陽人以善書負時望至元中擢荆湖行省都事征交趾轉行省郎中計度餽餉歷遷宣

慰副使練習事物吏不能隱及為潭岳總管郡人大悅豪縱者避去庭無留事賜金虎符進兩

浙運使

智揖

大定間知孟縣寬而有制百事具舉人心悅服越二載值夏大旱揖禱于藏山曰旱魃為虐而民無卒歲吾之罪也乃以六事自責俄大雨歲乃大豐

明

智審

元氏人洪武進士

智溥

榆次人永樂舉人

智明

封丘人永樂舉人

智聰

平定州人正德中通州知州

智隆

武安人正德中任清豐縣知縣

智佑

元氏人正德舉人任興平縣知縣

智玉成

魏縣人嘉靖中嘉定縣教諭

擊

古諸侯擊疇之後因氏焉

周擊荒

鄭人見周禮

漢擊峻

字伯陵隱所山號所山居士所人為之立祠

摯恂

京兆人漢永初中以儒術教授隱于南山不應徵聘名重關西馬融從之游學恂以女妻之

摯綱

茂陵人見貨殖傳

三

摯模

魏人太僕卿

晉

摯虞

字仲治京兆人才學通博舉賢良武帝詔賢良會東堂策問虞對畢擢太子舍人以漢末喪亂譜傳多失乃撰族姓昭穆十卷奏之歷任光祿勳太常卿

騎

去聲

周

騎劫

燕人代樂毅為將

義

河東人又望出平原漢有義道人年一百五十歲泰州人

義縱

漢武時酷吏也居官以鷹擊為治為長安令直法行治不避貴戚為河內都尉道不拾遺為定

襄太守郡中

不寒而栗

三義歆

上庸都尉

唐義潮

宣教郎

宋

義禎

登科

義太初

字仲遠營道人先以詞賦名尋舍去宗濂溪之學登淳熙戊戌成進士性行端方周益公揚

誠齋朱晦菴趙端明皆與之游屢表其能歷典高瓊二藩號永壺有永壺詩十卷易集註五卷

文集二

十卷

義甫

慶厯間任高平尹進階中散大夫以勤敏惠愛著稱云

明

義森

道州人天順中任濮州學正

利

河南楚公子食采于利因以為氏又叱利氏改為利氏

漢

利幾

項羽將羽滅為陳令降上侯之

利真源

得道為真人

利乾

中山相

宋利申

字仲通大庾人元豐間遊學江都名傾同輩有廣陵集廬陵郭勛序之曰其故得於李白其易得於樂天其譽得於聲叟其嚴得於昌黎之門舍英咀華放而不流易而不俚譽而不窒嚴而

不毅如吳鎮西博甚有史
法此所謂自得其妙也

利養吾

宣和中知
光澤縣事

利漑

舉進士

利澤

星子人政
和進士

利正器

南城人慶
元進士

利鑄

韶州人嘉
熙進士

利粲

英州人
登科

明
利濟川

博羅人永樂舉
人任府同知

利寅茂

番禺人永樂舉人

利本堅

廣東英德人由監生江西賴縣主簿四川安岳縣丞正德七年陞任多事之際能愛民節

費民賴以安當道薦其撫凋疲已甚之民而能得衆膺招撫累犯之盜而能有功

利賓

字用卿河津人舉人嘉靖中任御史

祕

天水宮音見姓苑

漢

祕彭祖

功臣表戴侯傳封四代

南

祕宣

西秦人僕射

北

祕瓊

陳留人晉朝為侍中

代

宋

祕珍

眉州人宣和進士

祕景儉

真定人

秘

見姓苑

宋

秘軫

眉州人紹興進士

明

嘉靖甲子舉人秘自謙任知縣晉州人萬歷間擢州知州秘心傳舉人故城人

署

漢

署奎

見印數

閏

漢 閏絲 見印

志 見姓苑

元 志能 知歸德府廩明剛斷發趙如神民有街冤不直者雖數十年前事皆千里奔走來訴立為剖決

旬日
悉清

示 見姓苑

周 示眯明 桑間餓夫受趙盾餉遺卒救盾難

明 示郁 臨潼人洪武初以明經任府同知

示容 鞏縣人宣德中舉賢良任周府審理

馬四鄭穆公子子駟之後以王父字為氏

周駟辛

駟帶

駟偃

駟欵

駟弘琛

漢駟先生

齊人淮陽憲王毋舅張博遺王書曰聞齊有駟先生者善為司馬兵法大將之材也博得

謁見究竟要道方今邊疆弗寧天下騷動微此人莫能安之也

駟鈞

大臣議欲立齊王或曰齊王母家駟鈞惡人虎而冠者也始以呂后幾亂天下復立齊是欲復

為呂氏也

駟協

冠軍令

刺

見姓苑

唐刺正甫

撰姑蘇水利志十卷

類

出姓苑

周類

闕

反

睢陽人有辱其父而與睢陽太守俱出反殺其仇車上

宋類演

福州寧德尉

類從道

密州人
登科

明類善

蒙陰人永樂貢
士任州吏目

類康

鰲山人正德中
任新繁縣訓導

戲

伏羲氏之後又平聲

周戲陽邀

刺瞋使其徒戲陽邀殺南子邀後悔瞋數目
之夫人覺而呼曰太子顧殺余瞋遂奔宋

三戲志才

曹操問謀畫士于荀彧荀攸郭嘉鍾繇
陳羣司馬懿戲志才諸賢操以為知人

肆

宋大夫肆臣之後見風俗通

漢肆敏

漢陽
太守

四

宋

四象

慶元間
知汀州

貳

望出漢東姬姓楚屈瑕將盟貳軫並小國也

南

貳塵

後魏平
陽太守

次

周次非之後

周

次非

勇士亦
曰次飛

漢

次公

瞭侯見
功臣表

次延年

見印
數

明次益

獲鹿人宣德中任忻川知縣

次攄

電白人宣德中廣東都司

自

見姓苑

元自當

英宗時由舒國爾齊權監察御史錄囚大興縣有以冤事繫獄者其人嘗見有橐駝死道徇因

舛至其家醢之置數甕中會官橐駝被盜捕索甚亟乃執而勘之其人自誣服自當審其獄辭疑為冤即以工御史臺臺臣以為賊既具是特御史畏殺人耳不聽改委他御史獄之竟處死

後數日遼陽行省以獲盜聞冤始白人以是服其明

帥

本姓師避晉帝諱改為帥又音率

五代 帥子連

形貌魁奇膂力絕人獨住魏夫人觀三十年寂無黔黷宋興國中盛夏尸解有僧紹能於

關右見之

宋

帥汀

登科

帥逢原

江陵統制官

帥範

靈石人承父業元祐初進士調奇嵐軍政兵民感慕後督理江南茶稅廉靜不擾江南之民圖

像祀之

帥揚

南豐人天聖中登第

明

帥性

建昌人洪武進士

帥祥

安居人
任御史

帥用昌

永樂間南充知縣愛民如
子藹然有愷悌慈良之化

帥中

醴陵人舉人弘治
中任國子監丞

帥齊

昌代人正統
十一年貢士

隆慶戊辰進士帥機臨川人任郎中隆慶辛未進
士帥蘭江陵人給事中

異白水蠻有此姓

唐異牟尋

蒙伽異之子自閩羅鳳叛至異牟尋有智數
善撫衆畧知書從鄭回之說後歸唐冊封南

王詔

媿 見姓苑

漢 媿牟 有合同異齊
堅白之論

媿戊 不能斷梗
陽人獄

媿勃 掃舍
人門

懿 姜姓秦懿公之後

南 懿橫 吏部
北 郎

賁 秦非之後

周 賁浦 汝南
人

漢

賁臣

見印

賁琳

晉

賁嵩

清操之士

賁光

郎中見論衡

元

賁亨

字文甫襲行軍千戶已未從國兵渡江攻鄂有功至元五年總管山東諸翼軍征宋攻襄樊賁

亨出抄斬黃以五百人拔野人原寫山砦修白

河新城七年偕元帥劉整朝京師命為征行千

戶賜金符及衣帶鞍馬攻樊城冒矢復擁盾先

登破之十三年江南平以功陞宣武將軍賁亨

前後斬首三十餘級十七年改處州路管

軍萬戶二十二年還寇氏卒年五十七

明

賁智

滁州人宣德中
大名府學教授

遂

子爵齊滅之子孫以為氏

漢

遂湛之

尚書
令

翠

楚景翠之後因避難以祖名為氏

漢

翠駕鵞

蜀人見
急就章

位

明

位安

掖縣人嘉靖二
年貢士任訓導

陝西寧羌縣有位氏

隸

漢隸延之

侍

明

侍懋

六合人洪武中四川綦江縣教諭

侍錦

清河人正德中福寧州訓導

荔

唐有荔非原禮任朔方節度使

明

河南商城縣有荔氏

邾

與邾同

漢 郝修 九江太守

刈 見姓苑

五代 刈懷 宋人

注 見姓苑

明 注寬 望江人 正德中任訓導

意 見姓苑

明 意秀 甌寧人 成化中河間府獻縣訓導

暨 渤海宮音又望出餘杭居乙切又云音吉

三暨

暨字子休吳郡人為選曹尚書性捐厲好為清議時即曹混淆多非其人暨臧否區別賢愚貫

晉暨

暨字茂言餘杭人仕為廣昌長封關內侯以孝行著聞咸康五年經表門閭有碑在餘杭縣西

唐暨

宋

暨陶

字粹夫崇安人長於聲律以賦知名元豐進士第一官至承議登第時初定陶為第一臚唱者

以洎音呼之迄不應蘇頌奏當以入聲呼之陶果出上曰卿何以知為入聲頌曰必三國暨暨

之裔及問陶鄉貫云建州上喜曰果吳人也官至奉議郎

暨

暨克華

清源郡節度使

暨善應

廬陵人

暨商俊

南雄人嘉熙進士

暨濤

平江人元祐進士

暨唐裔

陶之子官至中奉大夫

暨壽隆

字雲翔崇安人淳熙間進士

明

暨和

浦城人永樂舉人

暨佑

字景文崇安人永樂舉人

暨文

字廷顯崇安人天順進士

暨澄

字景淵天順貢士

暨紳

字世貴成化貢士

暨勝

字文元弘治貢士俱崇安人

暨陽

河東人弘治中四川夔州府達州知州

地

明

河南南陽府有地氏

被

漢被祿

被充

見印
數

字

漢

字長孺

見印
數

宋

字諤

應州
推官

忌

風俗通周公忌父之後以王父字為氏

賈

見姓苑廬江有此姓

賜

端木賜之後以王父字為氏

器

見姓苑

庠

見姓苑

試

見姓苑

刺

見姓苑

事

見姓苑

鄮

邑名見姓苑

瑞

見姓苑

戾

見姓苑

勢

見姓苑

寺

見姓苑

企

見姓苑

穉

子姓姓纂云商後見史記

僂

音累見直音

餽

音中行穆伯攻鼓餽閒倫欲因其嗇夫而下之不從

萬姓統譜卷九十三

欽定四庫全書

萬姓統譜卷九十四

明凌迪知撰

去聲

五末

費

江夏羽音商紂幸臣費仲夏禹之後

殷

費昌

臣殷

周

費伯

夫魯大夫

費無極

楚大夫

漢費汎

字仲慮吳興人以孝廉除郎中屯騎司馬遷蕭令視民如子先教後罰在位九年百姓移風惡

惡不作奸寇不發廣增怨銷推讓道生三年不斷獄積祥感應時沛有蝗獨不入界由此顯名

朝廷嘉之拜

梁相子鳳

費鳳

字伯簫汎子元子言不失典術行不越矩度漢安二年吳郡太守東海君舉君孝廉拜郎中除

陳國新平長從宰堂邑熹平六年七月卒鳳退已進弟不營榮祿祖業良田畝直一金推與弟

息行義高邵卓不可及

費貽

南安人公孫述據蜀時徵之貽漆身為賴佯狂以避述亡光武徵為合浦太守

費直

字長翁膠東人治易長于卦筮為單父令所著有象象繫辭十篇文言解說上下經

費長房

汝南人從市中老翁仙後辭歸翁與一竹杖曰既至可投葛陂中顧視則龍也

三國費詩

字公舉犍為人漢昭烈將即位詩上疏曰殿下以曹操偏主篡位故糾合士衆討賊今大敵未

克而先自立恐人心疑惑由是忤旨左遷蔣琬秉政以詩為諫議大夫

費禕

字文禕郫縣人在益土與董允齊名蜀漢後主時為黃門侍郎後代蔣琬為尚書令當國功業

畧與琬比

晉

費彪

國子助教著尚書疏文十卷

費培

朝散大夫

費立

犍為人晉書云犍為費立西州名士與陳壽齊名

南費昶

江夏人嘗為樂府又作鼓吹曲梁文帝重之數曰才意新拔有足嘉異昔山惲博物永簡巧詞

實附勸善

賜絹十匹

費穆

字明興代人性剛烈宣武初為涇州長史

費在寅

國用使

唐

費冠卿

青陽人既登第聞母病革馳歸而母已葬遂廬墓以終喪歎曰干祿養親耳得祿而親喪

何以祿為再詔不起杜荀鶴詩凡弔先生者多傷荆棘間不知三尺墓高却九華山

費襄

雙流人至孝母病割股進之遂愈母歿身自負土廬墓終身產業多推其兄云

宋費孝先

安仁人至和初嘗游青城董正圖學舍壞其竹牀欲償其直正圖曰成敗有數何償焉孝

先視其側書云某年月日為費孝先所壞大驚即師事之正圖授以易孝先遂以術名聞

天下

費師古

蒲圻人天聖中進士英敏有才尤長于詩官至諫議大夫抗疏留訖鎮不報

元
費著

華陽人進士授國子助教有時名居母喪盡禮哀毀骨立歷漢中廬訪使調重慶府總管明玉

珍攻城著適居犍為而卒兄克誠擢第時人謂成都二費

費案

上海人仕為管領海船萬戶浙東道宣慰使卒贈鎮國工將軍封江夏郡公諡榮敏子拱度平

江等處運糧萬戶孫雄以蔭為宣城尹

費復初

知崑山州事政尚廉明推赤心以待人民敬愛之新建學宮作興士類

明費聚

字士英臨潁人太祖入潁聚乃歸附上壯其才貌留幕下為副元帥

費文質

洪武間營山知縣招流民開田野存心公廉吏民不敢欺

費震

鄱陽人以賢良薦洪武間歷知漢中府時大軍平蜀陝西旱飢漢中尤甚民聚為盜莫能禁戢震乃發倉粟賑民盜多來歸即令占宅自保護得數千家後以事被逮朝廷以震良吏也釋之

以為牧民者勸尋陞戶部侍郎進位尚書致仕

費子賢

未詳何許人從太祖渡江拔采石取太平歲丁酉上命諸將規取湖州子賢率兵取武康

克之尋攻破安吉上即命子賢守其地子賢因築城守之張士誠連歲出兵來攻皆為子賢所敗乙巳冬十二月士誠復遣兵八萬攻安吉子賢所部僅三千人竟潰其兵湖州遂平以功陞

指揮
同知

費傑

字世產以醫承其家性古慤淳篤邑人患劇疾雖百里外必迎候傑至投一二劑輒效傑以故

醫益顯嘗設樂餌以週邑之貧獨葬疏遠無歸者數十人嫁外姓之孤者五人時劉憲使患熱症或誤投以桂附瀕死傑亟疏治之乃甦竟不居其功憲使甚賢之郡守戴琥尤重其雅誼加寶禮焉所著有畏齋詩稿名醫抄經驗良方為世所宗傑子愚登進士官大理評事歷守名郡秉節不阿孝宗朝以貞諒聞司空劉麟嘗為愚著傳稱愚剛方清介云

費敬

字行簡任大理寺左寺副凡百疑獄必詳獻以求其生兩孝餘平反總五萬計濟活三千餘人時河東節瑄以儒碩為少卿甚推重之敬平居以貪利為戒當官以愷悌存心謝人事絕足公

府勤於課子依家規四十餘條卒年七十二

費璵

定遠人謀勇過人永樂中從征有功累陞左都督宣德初進封崇信伯

費希冉

字師敬南海人父朋鄉進士三任學職希冉世其儒業正統中提學僉事彭琉羅為郡庠

生授一子侍養例不就學為漁溪書院師教人有法遊其門者率多造就讀書談道無復仕進言嘗以淵明自餒所為詩文典粹可觀所著古文孝經解尚書本旨禺山稿諸書弘治戊午舉于鄉仕為崇安教諭俸雖薄必與弟瀚匪共之瀚得惡疾藥必親調死歛必親浴無惑畏忌編修湛若水最稱重之

費宏

字子充鉛山人成化丁未進士第一歷官少師尚書大學士謚文憲

費閏

字廷言丹徒人成化己丑進士歷官禮部右侍郎議論宏偉善談論恥言人過人以公輔期之

費瑄

字仲玉鉛山人成化乙未進士歷參政

費廣

合州人字孟博登進士任監察御史天順初上疏劾石亨欺罔擅權請知永寧改貴池卒于官

廣為人秀偉嚴重工詩能文所著有約齋集

費案

字子和正德辛未進士宏弟歷官禮部尚書諡文通

費恩

字希明山陰人弘治丙辰進士歷知府

費懋中

字民受正德辛巳進士第三歷太常卿

費愚

字希顏烏程人少警敏質直與王華屠勲孫清輩友授南陵訓導有文譽舉入宛陵書院督誨

士子條分節解無間寒暑諸生貧乏者捐俸助之嘗署寧國太平績溪南陵四縣事清約自守撫民若子時有偽為千戶校尉以拿豪宦葉本義為名者意掠公帑愚覺其偽密令擒之發其篋俱短兵藥矢事聞監司薦云士林經濟尋陞湖廣麻城知縣卒自號古直居士嘉靖門人汪經王珂仕嘉湖時造門請像瞻拜涕泗久益不忘以德感人類如此

費懋賢

字民獻嘉靖丙戌進士歷郎中

費淵

字汝進大興人嘉靖己丑進士歷太僕卿

費鏜

字振伯歸安人嘉靖丙子科舉人授知縣歷陞知州致仕

嘉靖乙丑進士費堯年歷兵部郎中鉛山人

魏鉅鹿宮晉周文王第十五子封于畢曰畢公高裔孫畢萬仕晉封魏至絳犇舒代為晉卿後分晉為諸侯以國氏焉又望出任城

周
魏犇

晉文公有魏犇賈佗為之股肱

魏顆

魏武子犇之子初武子有嬖妾武子疾命顆曰必嫁是疾革則曰必以為殉及卒顆從治命嫁之秦師伐晉顆敗之獲杜曰顆見老人結草以亢回故獲之夜夢老人曰余而所嫁婦人之父也爾用先人治命余是以報

魏絳

顆弟事晉悼公為軍司馬因言和戎有五利公說之使絳盟諸戎勸公修政息民三駕而諸侯平蕭魚之會為下軍佐卒謚曰莊

魏舒

絳子疏獻子

魏頡

晉悼公即位使魏頡為卿使訓卿之子弟恭儉孝悌

魏嘉

楚考烈王時天下合從趙使魏嘉見楚春申

魏無忌

昭王子食客三千人諸侯以其賢不敢加兵用侯生朱亥殺晉鄙奪魏兵以救趙又率五

國兵大破秦兵威振天下號信陵君

魏冉

秦昭王母宣太后弟昭王少太后自治任魏冉為政昭王十四年冉舉白起攻韓魏敗之虜魏將公孫喜明年又取楚之宛葉十六年秦封冉于穰後益封陶號曰穰侯為秦將攻魏拔魏之河南取城大小六十餘三十六年穰侯欲伐齊取剛壽以廣陶邑于是魏范雎譏穰侯越二晉

以攻齊昭王乃免相國就封
邑穰侯卒于陶而因葬焉

漢
魏咎

故魏時封為寧陵君陳勝之王也咎往從之周
市狗魏地已下陳欲立之市不受而反乃立咎

為王

魏豹

故魏諸公子也兄咎自殺豹亡走楚楚懷王與
豹數千人復狗魏地立為王後歸漢令守滎陽

楚圍之急周苛曰反國
之王難與共守遂殺豹

魏尚

雲中太守軍市租盡以給士卒出私俸錢五
日一殺牛以饗軍吏匈奴不敢近雲中塞

魏無知

薦陳
平

魏應

字君伯任城人明經修行弟子自遠方至著錄
數十人永平初為博士會諸儒于白虎觀講論

五經同異肅
宗甚重之

魏朗

字少英，上虞人。詣太學，受五經。初辟司徒府，遷彭城令。後為九真都尉，獎厲吏兵，破賊斬首二

千級。桓帝美其功，拜議郎。頃遷尚書，陳便宜，有補益。後以黨被徵，自殺。著書數篇，號《魏子》。

魏桓

安陽人，以清節數被鄉人勸之應聘。桓曰：「夫干祿求進，所以行志也。今後宮百數，其可損乎？虜馬千匹，其可減乎？左右權豪，其可去乎？」皆對曰：「不可。」桓乃歎曰：「使桓生行死，歸于諸子，何有哉？」

遂隱身
不出

魏相

字弱翁，定陶人。地節中，拜相。魯白去副封以防壅蔽。時宣帝厲精為治，練羣臣，核名實而相總領衆職，甚稱上意。蔚為一代賢良，封高平侯。

魏攀

鉅鹿人知人好士名盛一時聞高邑睦夸少有

妻之情同朋好未嘗備翁婿之禮夸亦作朋友論以答之辭義為時所稱

魏霸

字喬卿濟陰人世有禮義建初中舉孝廉和帝時為鉅鹿太守以簡朴寬恕為政掾吏有過先晦其失不改者乃罷之吏或相毀訴霸稱他吏之長終不及人之短言者懷慙諧訟遂息官至

太常

魏譚

琅邪人少間走時亦為飢寇所獲等輩數十人皆束縛以次當烹賊見譚似謹厚獨令主爨暮輒就縛賊有吏長公特哀念譚密解其縛詰曰汝曹皆應就食急從此去對曰譚為諸君爨恒得遺餘餘人皆如草菜不如食我長公義之相曉赦遣並得俱免譚永平中為主家令

魏邵

河東人太守史弼受誣當棄市邵與同郡人賈郎賂侯覽弼得減死

三魏延

字文長領漢中太守昭烈問曰今委卿以重任卿居之欲云何延對曰若曹操舉天下而來請

為拒之偏將十萬之眾請為吞之眾壯其言

晉魏詠之

字長道任城人家貧躬耕好學不倦初為州主簿嘗與劉裕遊歎桓立篡位詠之協贊義

謀立敗授建威將軍桓欽寇厯陽詠之率眾擊走之轉荊州刺史詠之初在布衣不以貧賤為耻及居顯位不以富貴驕人卒贈太常追封江陵縣公諡曰桓弟順之為琅邪內史

魏舒

字陽元任城人少為外家霽氏所養霽氏起宅相宅者云當出賢甥舒曰當為外氏成此宅相

武帝朝拜司徒

魏浚

河東人為度支校尉永嘉末浚東保河陰所得穀麥悉獻之于懷帝仕終河南尹

南魏季景

下曲陽人父鸞以有容儀為奉車都尉季景博學有文才魏莊帝時為中書侍郎歷官大

司農卿及卒家無餘財遺命薄葬所著有文筆二百餘篇

魏釗

字顯義下曲陽人博涉羣書有當世兼資文武北齊世祖南伐召與語大悅曰我今此行是卿

建功之日勉之加建忠將軍子長賢博涉經史為著作郎

魏収

字伯起季景之族子少機警能屬文北齊受禪詔冊諸文及魏史皆収所撰稱為權史官至尚

書左僕射卒贈司空諡文貞

魏蘭根

收之族叔博學高才有機警歷官岐州刺史尋加都督諸軍事累遷中書令加侍中鉅鹿

縣侯卒贈司徒謚曰文宣子
相如族子愷俱重于當世

魏子建

字敬忠下曲陽人釋褐奉朝請累遷太尉從事中郎遷東益州刺史布以恩信遠近清淨

新獲甚衆威名赫然帝嘉
之詔燕尚書為行臺刺史

魏惇

字仲讓容貌魁偉性通率魏孝莊帝永安末除安東將軍光祿大夫爾朱仲遠鎮東郡以事捕

惇遇出外執惇兄子肅而去惇聞哭曰若害肅
寧無吾也乃見仲遠叩頭曰家事在惇肅何知
也乞以身罪仲
遠義而捨之

隋
魏澹

字彥深季景子世業文學澹專精好學博涉經
史善屬文仕為禮部侍郎遷著作郎高祖以魏

收後魏書褒貶失實平澹中興書事無倫序詔
澹別成魏史矯收繪之失甚為簡要又有集三

卷十

魏德深

初為文帝挽郎以能遷貴鄉長為政清靜不嚴而肅會興遼東之役徵稅百端使人往來

責成郡縣于時王綱弛素吏多賕賄所在徵歛人不堪命唯德深一縣有無相通不竭其力所求皆給而百姓不擾于時盜賊羣起武陽諸城多被淹陷唯貴鄉獨全

唐魏徵

字元成下曲陽人太宗時拜諫議大夫凡上二百餘奏無不到切當帝心者後以秘書監參預

朝政及卒帝嘆曰以銅為鑑可正衣冠以古為鑑可知興替以人為鑑可知得失徵沒朕亡一鑑矣登凌煙閣觀畫像賦詩痛悼

魏知古

深州人方直有雅才擢進士第拜黃門侍郎時盛夏造金僊玉真觀工程嚴促知古切直

諫睿宗嘉其直罷之開元初卒宋璟歎曰叔向古遺直子產古遺愛燕之者其魏公乎

魏尋

徵之子拜尚書右丞兼諫議大夫其叔瑜善草隸以筆意傳其子華及甥薛魏世稱善書者前

有虞褚後有薛魏

魏玄同

字和初定州鼓城人舉進士累轉司列大夫生與上官儀文章屬和配流嶺外上元初赦

還工部尚書劉審禮薦玄同有時務之才拜岐州長史則天臨朝加銀青光祿大夫檢校納言封鉅鹿男玄同素與裴炎結交能保終始時人呼為耐久朋而與酷吏周興不協永昌初為周興所構云玄同言太后老矣須復皇嗣太后聞之怒乃賜死於家監刑御史房濟謂玄同曰何不告事冀得召見當自陳訴玄同歎曰人殺鬼殺有何殊也豈能為告人事乎乃就刑年七十

三子恬閑元
中為潁王傅

魏謩

字申之徵五世孫舉進士累官至太子少保謩
直無所避宣宗曰謩名臣後有祖風後為令狐

贈絢諶免卒
司徒

魏少游

鉅鹿人天寶末累官水陸轉運使四為京兆
在官無赫赫之名然喜任人緣飾規檢有足

音 稱

魏元宗

宋州人始名真宰以太學諸生見高宗高宗
慰遣儀舉自安帝目送謂薛元超曰名不虛

傳真宰
相也

魏元忠

宋州人為太學生少學兵衛高宗時吐蕃數
盜邊元忠上封事言命將用兵之要累官御

史中丞以直道自立中宗時拜中書令封齊國公

魏奉古

初仕為雍丘尉九日公宴有客草序五百言奉古曰凡舊文也援筆例疏之徐笑曰適覽

記之耳由是知名挺涖汴州召奉古前曰凡聰明尉也

魏萬

號王屋山人嘗自嵩厯充遊梁人吳計程數千里來訪李白不遇因下江東尋諸名山觀謝公

石門後于廣陵與白相見白稱其美而愛文好古獨往物表述詩以贈之萬亦有答李篇見李

詩集中并白詩自序

五代魏杰

周世宗鎮澶淵辟司法叅軍有盜五人獄具杰疑其寃緩之不數日果獲真盜後又歷頃丘寇

氏元城三縣令

宋魏仁溥

字通濟衛州汲人幼孤貧世宗時累官挹密使轉中書平章集賢殿大學士宋初進位右

僕射從征太原道卒贈侍中諡宣懿
為人謹厚善書計有寬度時稱長者

魏丕

字齊物相州人累官復州刺史遷左驍衛大將軍典工作朝廷有事征討每令脩勦器械無不精辨雅好歌詩嘗使南唐且俾觀其意與李煜登昇元閣賦詩有朝海浪拱星辰之句以風動之

魏羽

字垂夫婺源人少能屬文初仕江南署弘文館校書郎出為雄遠軍判官歸宋擢太子中舍累

遷戶部度支使太宗嘗稱其有心
計真宗時推禮部侍郎卒贈太尉

魏廷式

字君憲宗城人少明法學有膽氣登進士累官益州轉運使嘗入奏事太宗謂有事嘗白

中書廷式曰臣遠來驛而至以機事工聞願取
斷宸衷非為宰相來也即不時召對稱旨厯知

數州所至以嚴明稱
官至右諫議大夫

魏谷倚

太原主簿與晉陽尉富嘉謨吳少微
友善皆以文辭著名時稱北京三傑

魏咸熙

仁溥子性仁孝仕為屯田郎中累遷至太僕
少卿嘗會賓客家童覆按碎器客皆驚愕咸

熙色不變令更設饌具其寬厚
若此子昭慶昭文昭素任于時

魏咸信

字國寶咸熙弟初仕為春坊通事舍人選尚
公主授駙馬都尉累加至檢校太傅同平章

事卒贈中書令子昭亮少能賦詩太宗喜之
累官至四方館使昭佩官至供備庫使

魏野

字仲先陝縣人居東郊彈琴賦詩號草堂居士
真宗召之辭疾不至嘗以詩贊王旦云秦嶽汾

陰俱禮畢這迴好伴亦松遊又嘗與寇準詩好
去上天辭富貴歸來平地作神仙後準貶悔不
用野

言

魏能

鄆人材勇過人為殿前都虞侯真宗朝為威虜
軍部署契丹再入寇皆戰破之徙知莫州及定

邊軍皆有破敵功
官至康州團練使

魏閑

字雲夫陝州人野之子少喜為詩學鼓琴不樂
仕進遵父志皇祐二年仁宗祀明堂詔求遺逸

草萊年耆德茂者知府直史館李詔遺薦
閑再世有高節上嘉之賜號清逸處士

魏京

高安人天禧進士博學能文鄉里以
魏夫子稱之名其所居曰儒榮坊

魏勝

字彥威宿遷人多智勇善騎射紹興末金人南
侵勝聚義士取連水軍及海州廣募兵以圖收

復與金人戰俘讖甚衆或當危迫中輒叱曰魏勝在此人皆辟易嘗冒圍突出人不能近又嘗造如意車行則載輜重止則為營金人來犯極力禦之援兵不至陞馬死事聞贈保寧節度使

諡忠

壯

魏孝友

字移可既寧人卓犖不羈弱冠入太學應詔論時政得失凡工十餘疏莫不鯁切金人犯

關欽宗被留孝友作歌一篇情辭悽惋傳播金營躬詣軍前欲與金帥辨伏地兩日不得達令定遠時羣寇犯邑境孝友出兵與之戰會邑僚先適孝友以孤軍弗能支遂死之贈朝奉郎官

其一

魏石

字初達歷陽人少穎悟時方尚王安石新說石獨守所學宣和中工舍及第高宗時為殿中侍

御史屢進諫言金人入寇乞請扈從
親征及請罷講和忤秦檜意出奉祠

魏泰

襄陽人崇觀間章淳欲官之竟弗就還家善文章著臨漢隱居集三十卷又著東軒筆錄十五

卷嘗賦襄陽形勝識者偉之

魏憲

字令則吳江人與弟志俱進士有聲太學號熙量人才累國子司業以學行見推偏厯中外師

儒之選無太子舍人官至顯謨閣學士

魏良臣

字道卿深水人高宗嘗稱其可屬大事後累官叅知政事良臣每語及天下事奮髯抵掌

以為已任

魏瓘

字用之婺源人羽子以蔭補校書郎為開封府倉曹叅軍會工元與內侍督作燈山內侍錄索

魏瓘密以狀聞詔杖內侍於省中監裏邑抗門人
魏綱上章詆天書流海島瓘亦生停官後知衡
山縣衡山祠旁舊禁採伐而寺僧倚中貴人輒
犯禁無敢問瓘捕送于州州將依違不為決瓘
抗疏不已卒抵罪厯提點廣西刑獄轉運使以
太常少卿知廣州儂智高入寇廣州五十日不
能下朝廷以為功時瓘方知越州特遷工部侍
郎集賢院學士五溪蠻叛除龍圖閣學士知荆
南朝廷方議誅討瓘以為五溪之險師行鳥道
而諸將貪功生事非國之利條三策招安為上
守禦次之攻守為失不報後卒招安之以吏部
侍郎致仕卒贈太尉年七十一子續纁絳絃紳
繩綱綸紀紹綽綸
以才擢守吉州

魏琰

羽子授秘書省正字為吏彊敏厯知諸州皆有
政績後以司農卿知江寧府召判刑部終衛尉

卿

魏懋

字覺民甌寧人第進士紹興初調虔州零都令時江西盜起虔諸邑多失守懋出已帑犒勵了

級誓與死守有巨寇謝懋者來攻是邑累日不能尅乃遁去大將岳飛持兵過見井邑無殘燬甚稱賞之後范汝為寇鄉邑有發掘懋之先墓者懋號慟曰此不共戴天讐也即棄官歸比至寇已平懋緝得二凶梟之墓石上狀自劾郡將義之釋不問後知南昌縣卒

魏行可

字當時建安人建炎中以太學生應募假禮部侍郎使金因留不遣嘗遺書金人警以不

戰自焚之禍金人逼其仕不從仰天號慟飲鴆而死紹興中贈秘閣修撰官其二子一弟一孫弋陽人以進士為善化丞乞治劇自效遷宰

魏安行

樂平人以進士為善化丞乞治劇自效遷宰弋陽以張浚薦知滁州並有能聲改京西漕

言事忤時相謫官復起知吉州治行為最除戶部郎中尋復進屯田十二策擢真教文閣淮南

運副領

營田事

魏杞

字南夫壽春人舉進士知宣州涇縣錢端禮薦其才召為太府寺主簿遷宗正少卿為金通問

使孝宗面諭一正名二退師三減歲幣四不發歸附人杞陛辭奏曰臣將旨出疆其敢不勉萬一無厭願速加兵至金金人以國書稱大宋脅去大字杞拒之卒正敵國禮歷忝知政事

魏掞之

字子賁建陽人幼有大志師事胡憲與朱熹游乾道中舉遺逸以布衣入見極陳當世之

務勸以修德業正人心養士氣為恢復之本孝宗嘉納賜同進士出身授太學錄卒贈直秘閣

魏幾

字天隨福清人師事林光朝潛德不耀其昆仲有雪堂天遊亦名士也

魏了翁

字華父，浦江人。本高姓，出繼魏氏，因姓魏。慶元進士，累官吏部尚書、端明殿學士。同舍書

摠密院事。先是論事忤史彌遠，謫官。嘗言自結髮遊聖人之門，窮探遠達，今髮星星矣，大懼年數之不足，其於他道蓋未遑及也。卒諡文靖，累贈秦國公。

魏公壽

字元齡，既寧人行，可嫡孫。初尉龍遊，時大將劉賢屯三衢，所需無不給。劉甚喜之，太守張

嶠馭下如東，闕每見公壽為降詞色，且以刑法薦再調。莆田法掾直閣林孝澤家居，省賓客，獨見公壽，必延語竟日，執政黃闕勝聞其賢，招以書欲論薦之。公壽曰：「招其來而薦之，非知我者。」竟不往。後為韶州推官，帥臣復以才智練達薦之。

魏文翁

了翁弟舉進士，為眉山尉。後知叙州，嘗讀禮，將為善思，貽父母令名，必終日諷味，不能釋。

自號
果齋

魏必昌

字世復晉江人授福州懷安尉三山戶通法
律知詩書必昌年少兀如老蒼豪家訟田數

年不能決折以禮法兩爭遂息移興化錄事持
廉壁立無敢干以私獄市一清有新貴人挾中
官氣勢羅織仇吏于獄囑必昌斃之且脅以危
語必昌竟不為動吏得免劉克莊以詩贈之曰
守法仁人勇防身處
女嚴人以為實錄

魏克愚

寶祐中知徽州克愚以了翁之子為政知
先務闢貢闡作橋梁政恬事熙民安其化

魏紹

權子字承之以父任為將作監主簿嘗知虞城
縣禁蒲博而盜止留守下其法歲大饑度請報

不及事乃先發廩後以聞苟近類之通判絳州
行州事新廟學其師徒亡故沉浮俗間檄縣諭

正之講試以時紹與其屬過焉後以右朝散郎知嘉州自唐開元獻荔子而近世樂用朱桑所產久益微不給求而刑者衆嘉祐中有賢守哀之作二詩刻石以諷之紹特行責要多求者摹其石詩以報為人孝友和審不受私居無子弟過出有吏能常有勞再登格而賞不及亦不自言紹聖初卒子汶

魏宏

字損之景祐中第進士為岳州司理有囚閉口不食宏曰吾能立使之食乃引問曰塞若鼻能久不食乎囚懼承訊服罪人問其故曰彼必善服氣塞鼻則氣閉故懼後遷朝奉郎

魏新之

字德夫桐廬人咸淳辛未進士授慶元府教授考試永嘉竣事同列即治棊行新之問故皆曰士被黜者將生譁不如避之新之笑而獨留果有一士問狀辭色甚厲新之曰爾文固嘉

如犯不考何某行某字正係廟諱吾以筆圈之
命左右取示之士慙沮引退在官以瀟洛關閩
正學為己任推明中庸性道教與旨反覆殆盡
德祐丙子元兵入臨安府游軍至鄞時學設兩
教授號東西廳教授王擇權甚曰吾儕死生決
于今日矣新之從容答曰非止今日有生之初
已定不若聽之
顏色不少變

遼

魏璘

以卜知遼
太宗有禍

金
魏道明

易縣人少工詩有名舉進士累官至安國軍
節度使居近雷溪因號雷溪子所著有鼎新

詩話

魏璠

弘州順聖人進士補尚書省令史宣求直言璠
首論將相非人授翰林修撰使武仙北還金已

呂璫還鄉里元世祖徵璫訪以當世之務璫條陳三十餘事舉名士六十餘人以疾卒于和林

賜諡

靖肅

元魏天祐

字吉甫益都人至元十二年為福建路管軍總管兼知邵武軍事時西邑民作亂天祐以

身捍禦郡賴以安省府上其功遂升軍為府會敵寇入境天祐發兵收復城燬于亂天祐再至

乃重建府治後為福建行省叅政獻計發民一萬鑿山鍊銀乃賦民鈔市銀輸官而私其一百

七十錠為臺臣所按

魏初

璫從孫以為後好讀書為文簡而有法中統間拜國史院編修官擢監察御史疏時政帝欣從

之官至南臺御史中丞子必復集賢侍講學士

魏禮

肅寧人篤信好學庚子廷試第
一授翰林修撰陞禮部侍郎

明

魏觀

字杞山蒲圻人以文學薦為國子助教歷陞翰
林侍讀學士拜國子祭酒洪武四年坐考禮不

以時奏貶龍南知縣甫至官召還為禮部主事
出知蘇州府明教化正風俗郡中翕然後陞四

川布政司參政朝廷以蘇州大郡政務繁劇復
命還郡尋以修府第于張士誠故基及浚錦帆

河為御史張度誣論遂與高啓王彛並坐
死觀高朗端重事不擇利害有古人臣風

魏清

鈞州人性資明敏識見過人洪武中以國子生
拜監察御史能聲籍籍尋陞四川按察司副使

永樂宣德中歷陞山東山西
所至有廉能幹濟之譽

魏敏

鞏縣人性至孝博通經史洪武戊辰進士第授
吏科給事中母病謁告歸省未至而母卒敏即

之墓所哀慟水漿不入口者五日廬墓三年旦夕哭奠如初喪鄉里稱其孝事聞表其門

魏明德

洪武中慶元縣丞愛民如子時青田縣賊葉香等作耗統兵者勦捕欲盡誅慶元連境民

明德抵軍門涕泣請曰今以他邑恃逆連勦吾邑良民吾寧受死不忍傷吾民也主將乃止邑

人咸感其德

魏卓

廣昌人洪武乙丑進士任監察御史激濁揚清廷臣所畏憚因言大事忤旨臨刑工曰御酒同

卿飲鋒刃不肯饒卓應聲曰能為忠臣死不怕帝心焦卒就戮

魏真

字文達素有材望元至正辛卯由淮省宣使陞浙江省理問改授本省都鎮撫後同知温州路

事兼水軍萬戶府都萬戶至正丁未率所部由海道至福建時國朝征南將軍湯和下制閩真

以所部歸附遠屏居海濱者久之洪武六年以
閒散官徵至京師尋有旨放歸田里以壽終

魏資敬

字之觀良臣之後洪武初以通經薦授棗強
丞有政譽秩滿入覲擢監察御史以骨鯁敢

言見稱後謫戍夔州晚歸故里卒資
敬員才畧重名檢尤不惑于流俗云

魏澤

字彥恩梁水人有學行洪武中累遷至刑部尚
書先是文皇逮方孝孺械繫獄以廣孝言未殺

孝孺且收捕其族黨每捕至輒下獄休孝孺終
不屈乃盡殺之澤是時謫為寧海典史當捕方

氏悉力保護周旋以故方氏有遺育謝文肅公
詩所謂孫枝一葉者澤之力也後過孝孺故居

為詩悲悼詩曰荀與銜雨過侯城撫景令人感
慨生黃鳥向人空百轉清猿墮淚只三聲山中

自可全高節天下難居是盛名却
憶令威千載後重歸華表不勝情

魏源

建昌人永樂進士累官河南左布政使時歲饑民流源賑給有方流亡盡歸正統間歷陞刑部

尚書剖決如流獄無冤滯嘗往西北都察邊防邊將莫不畏服為人器識宏遠立朝侃侃有大

臣體

魏驥

字仲房晉山人永樂三年鄉貢士為松江府學訓導教人必以真知實踐為事召修永樂大典

陞太常博士歷吏部員外郎進太常少卿正統初陞吏部侍郎時中官王振怙寵而驕每出雖部堂尊官亦欲與迴避驥遇之不避振卻之諧于上御使殿召問驥慷慨曰臣備位大卿不足惜朝廷名器可惜也上曰爾所言者是也溫旨慰之尋陞南京吏部尚書景泰初致仕家居二十餘年布袍糲食不別治生年九十八而卒病革時遺書付其子完勿請恩典以動擾鄉里時

有司已得請如例葬祭完
以遺言辭之賜謚文靖

魏宗

字本敬南平人由國子生任台州府同知永樂間知寧波府政尚寬恕有幹濟才詢民情察利

病而興革驗民丁稅以均其役揭示通衢捐
胥莫售其奸由是訟牒遂息而公庭晏然

魏庸

字宗道少孤克尊母訓勤學博覽長於作詩性
尚恬退不干仕進自號止齋家雖無餘積食行

乞者無吝色嘗以父沒而不及見母存而莫能
報構思親春暉二堂太守陳公璉為作二堂記

以表之少司寇劉公廡夫許其能談時務
有王猛風子巖任本州陰陽典術致仕

魏浩

咸陽人隱居龍巖遂號龍巖先生幼善記誦長
通書大旨子史律算書法亦無不研究尤長于

詩賦給事中趙泰
因作傳以識之

魏冕

吉安永豐人建文時為監察御史劾直有才色北平兵至有約開門者冕率同僚十八人即殿

前改之幾死會報朝冕及鄒瑾大呼請速加誅臣等義不與此賊同生不聽明日宮中火起或謂冕宜急迎附冕毅色厲聲曰使吾改臣節必不為時所用奈何徒自壞也北兵至冕自盡法官請追罪夷其族

魏瀚

字孔源餘姚人景泰甲戌進士歷布政

魏偁

字達卿由郡庠生貢於春官廷試第一授石城訓導自幼穎慧讀書日記數千言稍長博極羣

書以文雄於世為詩布盛唐風格典雅不凡恒以立言自許時與學士楊守陳守阯相和答甚器重之偁天性孝友動師聖賢平生不見疾言遽色與人交溫厚樂易至利誘勢怵則屹然山

立不可動搖其教石城以身為範學者宗焉所
著有經書僅悟靈元子茶餘詩話聞見類纂小

史雲松詩
畧讀史編

魏紳

字廷佩曲阜人母卒廬墓三年成化間舉進士
拜刑部主事轉郎中廣西有胃稱外戚者事覺
被逮皆避弗敢承紳一訊即得其狀累遷都御
史歲早奏減民稅四分之一築邊牆四十餘里
增墩堡五十餘所上賜
璽書文綺官至侍郎

魏文昌

華容人有至性事父母極孝父獲死罪繫武
昌獄文昌詣闕上疏願以身代高廟許之臨
刑語其弟曰謹事二親如吾存時也
遂伏法時年十有八歲邑中哀之

魏校

字子才崑山人弘治乙丑進士授刑部主事歷
廣東提學副使教士以德行為先風俗為之愿

變歷國子監祭酒兼太常卿諡恭簡隆慶改元
贈禮部右侍郎校恬靜端確篤志學問始而肆
力墳典繼而反之身心內外交養之意自持瞿
瞿事必先有成法儼然朝夕守而勿渝歷官大
司成澹若寒士蓋慥慥篤實之君子也

魏忠

潞州人介特有守以薦授諸暨州刺史歷大同
府知府月俸取足而已餘收之於官時以廉謹
稱

魏訥

字尚默鄆陵人弘治
丙辰進士歷都御史

魏有本

字伯深餘姚人正德辛
巳進士歷官刑部侍郎

魏境

字華甫羽林前衛人正德
戊辰進士歷鴻臚寺卿

魏良輔

字師召新建人嘉靖丙戌進士歷布政

魏一恭

字道莊莆田人嘉靖己丑進士歷左布政使

魏尚純

字叔誠釣州人嘉靖壬辰進士歷南京刑部尚書兄尚淪字仲一嘉靖戊戌進士歷按察

使副

魏良貴

字師孟新建人嘉靖乙未進士歷都御史

魏鏡

慈谿人生有絕力善格鬪倭寇至海濱輒自奮曰誰無死者元而能衛余梓庶幾為義鬼矣

乙卯賊由餘姚至鳴鶴縣令曹本率眾禦之兵敗鏡負縣令脫走賊復追之踰杜湖嶺而南鏡

乃操刃衝殺數賊賊斫傷其額猶憤怒力聞竟死縣令為之灑泣為文祭之

魏棠

字順甫蒲圻人嘉靖庚戌進士為人質直亡他腸好讀書博物洽聞一時海內知名士爭相交

驢授刑部郎出守濟南解淄萊盜均章丘賦濟人德之晉山西副使罷歸杜門不事家人生產

而時時好著書里中後進之士爭師事之棠詩文好擬則古昔成一家言所著有雲山草堂集

湖廣通志草凡若干卷

魏謙吉

字子惠柏鄉人嘉靖戊戌進士歷總督三邊兵部尚書

尉

鄭大夫尉嗣之後

周

尉繚

尉氏人有賢名魏惠王時著兵書五卷號尉繚子

尉斯離

昭襄王時人與三晉燕伐齊破之濟西

尉止

鄭大夫

南尉元

代人魏太和初為內都大官既而出為鎮西大將軍開府統萬鎮都將甚得夷人心進爵淮陽

王後進位司徒孝文時拜為三老

尉綦儁

御史

尉景

太傅

尉興慶

都督西魏追高歡迫近興慶百箭殺百人矢盡而死

尉還

中丞

尉謹

吏部尚書

尉古真

代人初道武在賀蘭部賀染干遣刺之古真密以馳告染干執拷之以兩車軸押其頭傷

其一目不伏後從平

中原賜爵東州侯

尉諾

古真弟少侍道武以忠謹著稱道武國中山諾先登傷其一目道武歎曰諾兄弟並傷其目以

建功寵待愈隆

累功封遼西公

尉瑾

仕齊除吏部尚書見人好笑時論比之寒蟬

尉撥

代人為太學生應幕擊賊于陳汝有功文成以其清平有惠績賜以衣服

尉眷

諾長子忠謹有父風侍臣受斤之入蠕蠕詔眷追之遂至虜庭擒之由是以號烈聞文成時拜

侍中太尉

封漁陽王

尉聿

字成興性耿介明帝時為武衛將軍時領軍元義執權百寮莫不嘉敬聿獨長揖不拜尋出為涼州刺史涼州緋色天下之最義送綾二千疋令聿染聿拒不受

宋

尉越

遂寧人淳祐進士

金

尉珍

荏平人哀帝時為濟州太守治東平決訟以公時東平置行臺以武臣監督訟獄滋興珍審斷發遣者多忤監督意徙河南後十年金亡而元興嚴惠武公實得領國政深知珍之德政舉其四子用之

明

尉德

山西人宣德中督砥縣丞

貴

風俗通云陸終之後望出常山

漢
貴遷
廬江太守

貴霸
司空中郎將

明
貴鐸
河南人成化間錦衣指揮

貴仁
字子任汝陽人弘治己丑進士歷知闕

既
吳王夫榮之後避仇改為既氏

漢
既良
南安長史

南
既長之
臨川內史

謂見姓苑唐以前無聞

宋

謂準

太平興
國登科

臚

古氣字見纂要

意

見姓苑

毅

見姓苑

畏

見姓苑

卉

見姓苑

六御

喻

漢 喻猛

字驕孫和帝時蒼梧太守以清白為治郡人頌之曰於惟蒼梧交趾之域大漢惟宗闕仁德

晉

喻歸

撰西河記三卷

喻合

字匡孫南昌人好學不慕榮寵隱居廬山北阜布衣蔬食三十餘年武帝徵不起

南 喻希仕

南齊試用釋奠先聖先師禮樂

唐

喻鳧

謁杜紫微不過曰我詩無綺羅鉛粉宜不售

宋

喻樗

字子才建德人少慕伊洛之學受業于揚時建炎中登進士累官工部員外郎知蘄州孝宗即位

用為提舉浙東常以治績聞樗為人質直好議論尤善識鑒嘗言沈晦張九成進士當第一

後果然樗有二女富人交請婚不許及見汪洋張孝祥曰佳婿也遂以妻之所著有中庸大學

論語解及
玉泉語錄

喻良能

義烏人累官至太常寺丞嘗進忠義傳二十卷孝宗深嘉歎賞即命頒行以開縣男致仕

所著有諸經講義
香山集與忠義傳

喻侶

字伯經義烏人慶元間舉進士歷慶元府觀察推官改奉議郎僉書鎮南軍節度判官尋陞朝

奉郎初侶久從諸縉紳游幕中多新進少年議論多不合侶歎曰吾髮已種種寧能與翩翩小兒較短長哉遂請祠而歸所著有隨類錄二百卷蘆隱類稿五十卷首論六經之功用云

喻叔奇

王十朋贈詩并序曰叔奇攝職會稽公事之暇必訪僕於民事堂欣然相得輒成一詩見

意同舍同年友天資迥不羣詩文侵晉宋兄弟類機雲梅市訪仙侶蘭亭懷右軍公舍時過我

無酒亦
論文

喻南強

字伯強義烏人品之從弟自幼負奇氣父直方以南強與陳亮類俾從之游慶元間貢于

鄉入太學上禮部不第嘉定間授富陽縣尉寶慶初禮部侍郎真德秀以言事去廟堂諷京尹

跡其所至欲併以為罪德秀每過富春江南強亟見且賦詩為餞人皆壯之

喻汝礪

字迪儒仁壽人靖康初為祠部員外郎不附和議遂掛冠號捫膝先生

明喻仲衡

字平甫元江南時賦提舉汝政之子自少穎悟博通群籍繼而師事姚夫陶安得聞程朱

性理之學行業日益充裕縉紳先達皆稱為畏友洪武中有司以賢良薦遂符授台州知府到官後值荒旱農乏種官廩有穀數千石仲衡請于朝以穀貸民繼而秋成民食既足公廩亦

克而尤盡
心於學校

喻德昭

臨川人洪武初父移鳳陽時德昭六歲父母
俾所親育之年十四詣鳳陽求之間闌十年

得見父于漢中屯所而母已歿乃扶歸比卒廬
於墓所哀慟常如初竟卒于墓傍鄉人稱其孝

喻茂堅

字汝礪營昌人正德
進士歷官兵部尚書

喻智

字子真當塗人正德
甲戌進士歷都御史

喻時

字中甫光州人嘉靖戊
戌進士歷官兵部侍郎

喻希學

字博之光州人嘉靖
戊戌進士歷郎中

喻江

字潮之由舉人知餘杭嘉靖四年調奉化圖書
數篋自隨妻子不至公解嚴毅嚴恪吏畏之若

神明奸猾舞文者皆屏跡不敢近輕徭薄賦清
心省事民皆樂業時丙戌大歉江約已裕民凡
相告訐者輟轉誨諭而違之民亦悔而罷訟盜
賊屏息在任三年通前餘抗為九載以力不能
赴京棄其牒而歸士
民惜之為立去思碑

喻獻科

字時晉南昌人
嘉靖丁未進士

喻南嶽

字極夫新建人嘉靖
丁未進士歷郎中

吏

見姓苑

漢
吏宗

王莽
時人

諭

見姓苑望出南昌

欽定四庫全書

萬姓綱目
卷九十四

三八

漢

諭瑯

人河曲

晉

諭歸

曲阜令撰
西河記

豫見姓苑

周

豫讓

上黨人初仕晉大夫智伯智伯為趙襄子所滅為之報仇變姓名為刑人挾匕首欲刺襄子不

果又漆身為癩吞炭為啞伏于橋下為襄子所獲請襄子衣拔劍三躍而擊之乃伏劍而死

豫且

漁者也漁于泉陽舉網而得神龜白龍下清冷之淵化為魚豫且射中其目龍上訴于天帝伍

子胥曰龍天帝之貴畜也豫且宗周之賤臣也

明

豫銃

鄭水人永樂癸卯舉人上銃知縣

御 周禮有御人之職其後為氏

周 御刀 與梅蟲兒等
時稱八要

御鞅 初簡公與父陽生俱在魯也闕止有寵焉及即位使為政田子憚之御鞅曰闕不可並公弗聽
後田常執簡公于徐州簡公曰余早從御鞅不及此

御叔 魯大夫

漢 御長倩 丞相公孫弘故人

據 見姓苑

明 據成 玉田人宣德中漏刻博士

慮 見姓苑

周慮癸 南蒯家臣

庶 子思之出母庶氏

周庶長壯

庶長與 俱昭襄王時與伐楚斬首二萬九年攻楚取八城

漢庶霸遂 見急就章

鑣 見姓苑

周鑣金 楚大夫

恕 見姓苑

𡗗 音恕見姓苑

𡗘 音署見直音



萬姓統譜卷九十四